


EAST ASIAN LIBRARY
UNIVERSITY OF TORONTO LIBRARY
130 St. George Street
8th FLOOR
TORONTO, CANADA M5S 1A5

DS
754
'7
S5
1738
V. 91



硃批諭旨

張廣泗 鞏建豐 石成峨
劉廷琛 赫勝額 廖坤 奏摺

硃批張廣泗奏摺月二十日據外貴州按察使臣張廣泗

雍正六年二月二十五日貴州按察使臣張廣泗

謹

奏爲恭請

聖訓事竊臣至愚極賤由貴州黎平府知府荷蒙

聖恩逾格著令署理貴州按察使印務未及一月復蒙

特予補授聞

命之下實切悚惶所有感激蟻忱已經詳懇署撫臣代

題恭謝

天恩外伏思按察使爲通省刑名總匯而黔省更屬苗

天恩疆要地臣才識短淺一切措理恐多叢脞謹冒昧
具摺跪求

皇上俯賜訓諭庶臣於萬里之遙得以祇承
天語時加惕勵恪供職守皆出

聖主生成之賜矣爲此謹

覽奏謝知道了勉力奉公勿懈諸務必深知灼見後方
可舉行若緣圖報心殷涉於孟浪有損無益過猶不及
也當切以爲戒

雍正六年八月二十日新授貴州巡撫臣張廣泗

天恩謹

奏爲恭謝

天恩事雍正六年七月二十二日臣在凱里附近地方
望陣行營接准貴州巡撫臣沈廷正咨准吏部咨開奉
旨雲南巡撫員缺著貴州巡撫沈廷正調補貴州巡撫
望員缺著將貴州按察使張廣泗補授等因欽遵轉咨
到臣當於行營恭設香案望

闕叩頭謝

恩訖又於七月二十九日准調任雲南巡撫臣沈廷正

土館咨准吏部咨開內閣交出奉其貴州巡撫事

硃批諭旨

二

張廣泗

上諭張廣泗現有化誨生苗等事其貴州巡撫事務仍
著沈廷正署理令張廣泗得以從容辦理俟張廣泗
到任後沈廷正再赴雲南新任欽此移咨到臣跪讀
之下仰見

聖主睿慮周詳無遠弗照臣欽遵逐一敬謹從容辦理
務期蠢爾愚蒙咸通
聖朝治化邊界良民永資寧謐以上副
聖主軫念遐荒之至意除將現在辦理情形另行具
奏外理合繕摺恭謝

天恩謹

奏

覽奏已悉凡百不可固執惟以相機合宜爲貴縱始初稍有見不到處一片忠赤報效之心自在慎毋回護前言勉強從事設或苗情頑蠢一時辦理過激致傷多命奏效雖速朕心有所不忍原係化外蠻夷非內地叛逆之可比也當仰遵訓諭詳慎爲之

同日又

奏爲奏明開通苗疆情形仰祈

睿鑒事竊查黔省自黎平府以西都勻府以東鎮遠平越等府以南廣西之柳州慶遠等府以北中夾一

段地方介於數郡之中延袤千有餘里寨分千餘人丁戶口不下十數餘萬皆係生苗不服約束爲害巖疆其逼近黎平者則爲八萬古州逼近鎮遠者則爲九股逼近都勻者則爲八寨逼近凱里者則爲丹江均係地面寬廣戶口稠繁更爲各郡要隘之區臣去歲於黎平知府任內奉督臣鄂爾泰檄令相機化誨曾兩至八萬古州曲加開導彼等已知凜戴願行內附隨敘情形稟覆督臣并臣今春奉調赴滇又蒙督臣面囑機宜委令從長布置勦撫兼施臣卽遵照於五月內起程先抵都勻

府料理八寨等處逐一宣揚我皇上如天之仁曉以歸誠向化之樂其有稍稱淳良者隨卽匍匐行營矢願歸化臣當卽重加賞犒申明約束嚴禁騷擾其中狡黠初懷觀望并欲妄行拒阻者迨畧試以威旋亦覺悟俱來投撫臣亦一體量加賞賚諄切宣示察其困土肥磽人戶衆寡令其認納糧賦使知任土作貢之義并查明戶口冊報督撫諸臣察核以及行知鎮遠文武各官就近將九股生苗相機化誨亦多感悟就撫將戶口開造到臣合之臣所撫八寨共計大小二百三十餘

寨男女共二萬餘丁口惟丹江一處倚衆恃險不遵化誨臣遣通事人等前往再三曉諭始終執迷不悟且將欲行向化各寨多方阻截不容歸誠并將八寨內已撫之楊牌楊堯等寨設計勾串希圖反復及官兵臨境竟敢公然抗違益肆頑梗則是恩不能用非威不可矣臣隨飛咨請商督臣鄂爾泰并調任撫臣沈廷正提臣楊天縱意見僉同各派遣官兵前來臣凜遵

諭旨從容辦理惟當慎重圖維敬謹匪懈擬將丹江一處剿撫並施布置妥協則古州八寨以及九股等

處其已就撫者自必懷德之心益堅而尚在觀望
者亦俱知凜惕咸可漸歸約束矣所有現在辦理
情形理合繕摺
奏明伏祈
皇上睿鑒謹

已差牧可登春山密齋敕諭來黔矣爾接諭後相機審
勢加詳加慎爲之

同日又

和奏爲恭繳六平正月十四日

硃批諭旨

五

張廣泗

硃批事雍正六年五月十四日據臣家人自京捧回臣

恭請

聖訓一摺奉有

硃批臣跪讀之下如瞻

天表感激悚惶仰見我

皇上惟聖惟明執中建極

訓誨臣工務期詳慎至意伏思人臣事

君要在以誠以敬而臨事應物尤貴實政實心固不可
爲臣居官之要數語包括殆盡實力勉爲之可也

苟且因循更不宜偏持過激臣猥以疎庸入仕未

久遽荷

聖主特達之知惟有勉圖報效今恭承
聖訓加意提撕臣當字字精研言言省悟諸凡務求了
聖眼然於心而後措之於事不敢輕蹈有過不及之愆

旨交以上副
聖主格外造就隆恩不盡微臣駑駘之報於萬一也所

有原奉
奏

殊批理合恭繳謹
奏

奏

覽
恩事

奏同日又

奏爲謹陳蟻悃跪懇

天恩事竊臣父原任山東兗州府管河通判張鎬於康

熙五十七年丁憂回旗候補於雍正四年蒙

皇上天恩命往水利營田效力因臣父奉委賣米有應

交米價銀兩遲延日久始行繳納經總理水利營

田使怡親王叅奏奉

旨交部議處昨閱鈔報內開刑部

題爲特叅虧空等事將臣父擬以枷責等因具

題奉

旨依議欽此臣跪讀之下戰慄惶恐感激涕零伏念臣

父以閒廢之員蒙我
皇上天恩錄用命往水利效力臣以庸劣愚賤之人蒙
聖主拔擢巡撫

隆恩異數榮寵非常臣父子既受我
聖主格外之恩今臣父有罪亦宜從重加倍究治乃復

皇上如天之仁僅將臣父予以枷責臣惟舉家頂戴何
敢復有瀆陳但思臣父犯罪則臣係罪人之子何
皇上以表率寮屬忝任封疆又據臣在京家人稟稱臣
父在順城門內枷號二旬因患病求保俟病稍痊

再行赴部領罪尚未蒙准等語伏念臣父受
皇上天高地厚之恩不能竭力圖報自取重咎雖駢首
待死亦罪所宜然惟是臣父年近六旬素有弱疾
今復染重病若不能保出調養勢必旦夕就斃長
戴此罪名以沒世矣雖欲改悔遷善其道無由爲
此跪懇

天恩將貴州巡撫員缺另簡賢員准臣赴京代父加等
領罪或容臣遵

旨敬謹竭力辦理生苗事竣卽星馳赴京代父領罪使
臣父得以洗心滌慮痛加改悔則臣父子均沐我

皇上賜以再生之恩自新之路雖捐糜頂踵肝腦塗地
不能仰報於萬一也臣無任戰慄哀籲之至謹

奏

此奏朕嘉悅覽之殊不料張鎬生汝此等佳兒暨趙世
錫生趙弘恩郭維莞生郭鉷皆屬奇事雖然人材後勝
於前正乃國家之福也汝父之居心行事汝爲其子自
不敢言姑平心一思是耶非耶但旣生汝如是爲國宣
猷奉公效力之子則諸過悉可抵除已有旨盡寬爾父
之罪矣至汝父之心行當以爲終身戒萬勿稍蹈一二
切須砥礪操守若似汝父是所謂孝子慈孫百世不能

改者雖悔何及謹誌朕恩莫致有負勉之勉之
八萬古州之事設撤兵罷剿可以如舊相安當領悉朕
意無庸勉強經營

諭貴州巡撫張廣泗從前石禮哈署理巡撫印務時曾
經摺奏古州八萬苗地不入版圖其人兇悍成性往往
仇殺且時出擾累居民今各處蠻夷咸傾心向化獨此
一隅未通聲教應請用兵剿撫等語朕彼時批伊摺內
苗人愚悍仇怨相尋固屬可憫但興兵進剿戕害生靈
朕心不忍豈可孟浪從事石禮哈遂奉諭而止頃因爾
稱奉差經過其地苗衆歡欣接待禮體恭順僉稱願附

版圖朕又訪之從滇黔旋京大臣等亦云夷情恭順誠
然因思內地與苗疆莫非吾之赤子既有抒誠嚮化之
心豈忍置之膜外是以准爾所奏專委撫綏以慰答苗
情近聞爾在彼勦撫兼行諒因苗寨繁多心志不一有
實心歸附者亦有中懷疑懼者不得已有干戈之舉也
但倉猝脅以兵威未免多傷苗命且強所不願非朕本
念今特遣翰林官二員前來宣示諭旨伊等到時若招
撫之事已竣則當加意綏輯倘或執迷不悟切勿徒恃
殺伐統俟從容化導以副朕胞與之懷爲此特諭

雍正六年十月二十二日貴州巡撫臣張廣泗謹

奏爲欽奉

上諭事雍正六年十月十七日臣在八寨行營有

欽差國子監司業臣牧可登翰林院侍講臣春山齋捧
上諭一道到臣跪讀之下仰見我

皇上天地爲心胞與爲量雖苗夷蠢類旣不忍擯於化
外尤冀其覆育安全臣雖至愚敢不凜體并又接
怡親王暨大學士等寄到公字內開字寄巡撫張
古州八萬苗人雖云互相仇殺出境刦奪尚無顯
然抗違

國法之罪祇因從前聞得招撫甚易

聖意不忍拒之化外故令舉行今聞苗衆之心不一似
非撫綏可以竣事但用兵勦滅盡收其地而將來
天恩料理措置亦非易言是以
皇上特發諭旨與巡撫并頒

敕諭曉諭苗人令翰林二人齎捧前來若苗衆原欲就
撫易於招徠不至大有誅戮則仍照巡撫前請施
行或撤兵有不便之處亦就近商酌倘撤兵可行

巡撫應將

敕諭鈔錄宣示苗衆俟其敬謹恭迎然後將
敕諭發往一切事宜

欽差與巡撫面加酌量巡撫不必因從前所奏存回護
爲難之心此事本應行文與鄂總督因滇省路遠
往來又需時日是以

敕令欽差逕至巡撫處商酌諸事可以口悉也等因臣
愈得詳細領畧伏查臣先於黎平府任內曾兩至
八萬古州曲加開導已願內附隨將情形稟覆督

臣鄂爾泰迨臣叨蒙

天恩擢爲按察使奉督臣調赴滇省面囑機宜議令勦
撫兼施臣卽前至都勻府之八寨地方布置并將
黎平之古州以外生苗行令黎平文武從容化導

以及附近鎮遠之九股清水江等處生苗亦行令
鎮遠文武先爲料理已陸續據報九股向化者十
之七八其古州以外并清水江就撫者亦多所有
八寨經臣親爲區畫始猶觀望迨畧示以威卽知
悔悟歸附惟丹江一處竟敢抗違且將他處願歸
寨分以強勢壓制不容前來經臣親往開示復敢
拒敵傷兵臣隨飛咨請商督撫提臣意見僉同各
派遣官兵前來茲於十月初五六等日將八寨內
倡首反覆之楊牌等寨及官兵已到猶敢附惡抗
違之甲些者良烏歸也條等二十餘寨俱行懲創

其餘竝未附和反覆者更加以獎賞撫恤并曉示
首惡寨分業經整頓所有附和各寨旣已知威仍
准投撫隨俱匍匐投赴行營悔罪求生是八寨剿
撫大局已定惟有謹遵

聖諭加意撫綏務使得所俾共入版圖永沾

聖化至於丹江苗衆臣正擬尅期前進剿撫兼施今恭

接

上諭指示諄切臣何敢徒恃兵力冒昧舉行因與牧可
登春山等再四商酌思維暫緩進兵但恐苗性至
愚未能驟曉大義目今不敢遽宣

敕諭祇先將臣等之意再爲詳切開導俟其少有省悟
之機卽恭錄

敕諭宣示苗衆務令其明白感激實心恭順且使先經
就撫各寨聞聽之下莫不羣思凜戴然後撤兵則

於

國體無損而於苗疆久遠之計亦大有裨益若復經
開導之後始終抗違而竟停討問是彼旣不知保
全之恩又安解撤兵之意臣愚以爲仍應進兵以
示法紀縱有誅戮不過丹江內強暴頑苗而其餘
聞風凜惕已就撫者懷德益堅未就撫者咸思依

附則懲創者少而保全者多也再據牧可登等恭
述

上諭此事應慎密欽此臣當敬謹凜遵但思此案原係
督臣鄂爾泰總理其事況臣識見淺陋恐所籌畫
多有未當鄂爾泰認理深細見事明決且怡親王
等公字內亦開有此事本應行文與鄂總督之語
是以臣不揣冒昧敬將

上諭恭錄併鈔公字差員星飛捧齎交督臣閱看竝酌
核臣現在所辦情形是否允協仍致囑督臣務須
慎密外自軍營至滇不過十二日可以往返至臣

遣去丹江曉諭之人亦約十餘日可以週到俟看
丹江苗衆是否實心恭順抑或終於抗違卽可酌
定行止亦不至多遲時日臣當與牧可登春山等
逐一敬謹商議總期妥帖辦理以謐苗疆緣接奉
上諭事理恐厯聖懷謹將酌議辦理情由先爲繕摺
奏明伏祈
皇上睿鑒謹
奏

古州八萬化誨生苗一事據各處奏報紛紛不一遣牧

可登春山前來蓋恐汝進退兩難或且暫緩徐圖之意
今覽爾奏朕洞然無疑矣如果向化者十已七八止餘
丹江一隅自不應獨留遺孽任其滋蔓分割甚屬明晰
朕深嘉之汝力能擔荷此事商之鄂爾泰伊何不樂從
之有倘力不能辦鄂爾泰斷不令汝勉強從事也所奏
嘉悅覽之諸凡惟宜慎重籌畫萬全而行勉之勉之
觀此光景宣示飭諭之舉可以中止朕原命牧可登春
山密齋前來與汝商酌者廷臣亦未與知今仍令二人
齋回可也特諭

同日又

奏爲奏明事雍正六年十月二十日准署理貴州巡撫臣沈廷正差委把總徐詔齎解銀二千兩到臣行營竝札開前將送往軍前預備賞賚等項銀兩具

奏今奉

諭旨張廣泗軍中如有所需當寬裕接濟俾不致拮据將朕此旨卽行通知令伊源源檄取可也欽此欽遵現在軍需浩繁從前齎送之銀爲日已久諒不足聖主用今特動支庫銀二千兩專委把總徐詔管送查收倘隨後再有所需祈卽通知等因臣當查收訖

仰惟

聖主體念臣工纖微必燭且使因公措理不致稍有缺
乏臣查調集官兵除每日支給行糧外其餘竝無
需費惟奮勇出力之官兵并通事嚮導人等實心
招徠以及就撫苗民俱應隨時賞賚之處不無所
用已先准署撫臣沈廷正差送公費銀二千兩前
來臣逐一搏節現在尚未用完乃今荷蒙

諭旨諄諄以寬裕爲念臣益當欽承并有督臣鄂爾泰
不必於此小事留意統領兵弁賞勞鼓舞爲第一要務
萬勿吝惜愈能用朕心愈喜當遵旨行
撫臣沈廷正移到銀兩已儘爲寬裕緣准署撫臣

恭錄

諭旨通知事理臣謹繕摺

奏明再據把總徐詠稟稱奉有貴陝巡撫到粵西不法
上諭黔省現有勦撫古州八萬之事又協勦粵西不法
猥苗額設兵丁或不敷用著將湖南就近營兵酌撥
一千名來黔聽候督提調遣并預撥荊州滿兵一千
名前往常德府駐劄等因已經行文到黔欽此仰見
皇上慎重巖疆布置周密查粵西猥苗之事於九月內
已經完竣至黔省生苗一案各處多願就撫惟丹

江一處現在再爲詳切曉諭冀其省悟倘若終於
皇上抗頑應行進兵則有臣所領官兵除酌留彈壓新
撫之地方外尚餘漢土官兵五千餘名亦儘足前
進丹江之用恐上厯

聖慮合併陳明謹

奏

兵威壯盛方於事有濟切不可稍涉輕忽

雍正六年十二月二十五日貴州巡撫臣張廣泗

備旨謹

奏爲恭謝

天恩事竊臣前具奏懇請代臣父張鎬赴京領罪一摺
奉到

硃批臣跪讀九叩感激涕零伏思臣父身罹重罪旣蒙
天恩宥免而臣之愚昧尤荷

訓諭周詳勉以終身戒以操守臣恭繹之下愈增凜惕

皇上之矜全備至無非勸孝勸忠而臣父子履戴
高深敢不加儆加勵況臣以至愚極賤之人蒙

皇上特達之知授以封疆重任縱使肝腦塗地亦難少

聖主報涓埃乃更以臣父之罪蒙

聖主格外寬宥至於此極嗣今以後臣父子惟有共相
誓勉洗心滌慮省罪愆於既往效犬馬於將來斷
不敢自外

生成以期仰副我

聖主造就洪恩於萬一也理合繕摺恭謝

天恩跪祈

皇上睿鑒謹

奏

覽汝奏謝剴切真誠朕甚爲嘉悅終身莫移今日此心
可也但汝方值壯年蒙朕不次擢用又兼建立奇功切

勿自恃致生驕傲胸中竟能忘此顯榮則
高天厚地斷無不錫鑒祐之理一切居心行事以鄂爾泰
爲楷模而效法之將來亦必爲國家棟梁之臣也勉之

同日又奏

爲奏聞事竊查丹江苗衆於臣復行曉諭之時仍敢將附近
欲歸之苗民男婦綁擄而去強悖愈甚則是彼等
皇土自外生成若不稍加懲創何以儆遏悍頑爲巖疆
土酋久安長治之計正據遣去化導之人回覆前來而
督臣鄂爾泰回劄亦至內開丹江一帶生苗強悖

殺刦爲害地方茲奉

上諭周詳仰見我

皇上如天好生之至意我輩惟當凜體欽遵敬謹從事

殺一良儒如殺眷屬觀縱一兇惡如縱狼虎觀剿

撫竝用意主於撫庶幾殺亦爲恩而恩可垂久等

因臣當於十一月初九初十等日派遣官兵陸續

分路前進臣於十一日亦親往適中之烏耶地界

調度聲援其奉派右路之定廣協副將蘇大有於

二十日帶領官兵進至小丹江各寨所有頑苗俱

堅築牆壕環繞迎敵經該副將奮勇爭先將小丹

江各寨克取臣卽乘勢於二十八日移兵進大丹江各寨或剿或撫俱於十二月初三初五等日布置就緒當有

欽差司業臣牧可登侍講臣春山等於初七日前來大小丹江察看明白敬齎

敕諭於初九日自凱里起程回京復

命訖因尚有附惡之雞講等寨頑苗仍不悛悟臣隨派令官兵復於初十十一等日將雞講大小十一寨悉行攻克隨有接聯丹江之上九股以及附近山苗俱赴行營輸誠投撫臣逐加賞賚准其收錄至

大小丹江雞講苗人從前之敢於抗拒者倚衆恃
險以爲懲創必不能加因而怙執如故迨見官兵
經臨有如摧枯拉朽彼已伎無所用而又見凡來
就撫者恩恤備至遂亦翻然悔悟隨於十四十五
等日以後相率匍匐投赴行營悔罪求生認納糧
賦願爲黎民

盛世良民臣俱諄切宣諭一概准撫仍於科糧從輕事
例從簡俾樂輸將而易遵奉所有苗民男婦現已
復業安居卽曾被攻燬寨分亦盡來歸故土其應
因地制宜經久善後之處容俟臣與督提暨署撫

土儲諸臣悉心圖維擇人分任庶新闢巖區漸次寧謐
而內地良善永沐安恬矣又黎平之八萬古州經
臣化導在先并九股生苗於本年六七月間經鎮
天恩遠協副將張禹謨等亦漸次招撫在案但地廣人
衆猶須臣親身前往宣布

皇上仁威俾其依向堅切竝察議經久諸事以及附近
鎮遠府之清水江一帶屢據知府方顯稟報情願
歸附者已有其半臣當飭令從容開導善加撫循
總期彼等共入版圖咸叨

聖朝治化臣謹將辦理丹江就緒情形先行繕摺

硃批諭旨

十九

張廣泗

望奏明謹

奏

嘉悅覽焉善後事宜與督臣鄂爾泰詳細商酌料理允

妥以慰朕懷

皇上同日又其於何望財故察諸縣人諸事以及州設

奏為恭謝

天恩事竊臣於開導苗疆一案已將丹江一帶料理底

定臣一面安插招徠正在繕摺具奏伏乞天恩

奏間據臣標把總齋回臣前奏欽奉之八萬古

上諭一摺奉有圖錄對人及王燕祿關嶺司補空寧

硃批竝蒙

欽賜貂皮湯羊哈密瓜果子平安丸到臣隨恭設香案

望

闕叩頭謝

恩訖伏讀

綸言欽承

賜賚感戴莫罄奮勉靡從惟有益矢丹誠敬謹匪懈至
於八寨丹江九股等處生苗勦撫事務甫竣臣尤
當圖維善後之計請商督提署撫諸臣公同會核
次第舉行不敢稍有忽畧俾仰副

硃批諭旨

二十

張廣泗

聖主期勗殷懷以展微臣驚駘之報而已所有原奉

硃批敬封恭繳外理合繕摺跪謝

天恩謹

苗疆開通固屬不易而安插撫輯爲尤難諸凡善後事宜正爾職分中之要務今日措置一分妥協將來省汝一分心力也詳悉籌畫爲之

雍正七年正月三十日貴州巡撫臣張廣泗謹

奏爲奏明事竊臣於辦理開通生苗一案已將八寨

丹江雞講九股等處勦撫就緒并此外之八萬古

汝親往查勘諸凡最宜詳慎斟酌朕另有諭鄂爾泰之旨著就近文武從容布置竝將臣猶須親往察勘緣

由於雍正六年十二月二十五日在丹江行營具摺奏

聞伏查丹江八寨等處均屬要區今開通既定其一切善後事宜關係綦重是以臣備敘情形咨請督臣鄂爾泰詳核指示去後嗣准督臣覆稱設鎮安營建官畫界等事必須面商熟籌庶爲久安長治之計非可約畧輕易亦未可懸擬遙度應卽接印視事以便署撫沈廷正赴滇到任鄂爾泰方可起程

來黔面議種種等因臣未便耽延因自行營旋省
於本年正月十七日抵巡撫任接印視事業經恭
疏官書界善事必取面商熟籌熟慮入奏具
題

題報外現在新附八寨丹江九股等處酌量險易分

委定廣協副將蘇大有鎮遠協副將張禹謨都勻

營叅將趙文英長寨營叅將官祿統率官兵彈壓

拊循俱各寧帖惟俟督臣鄂爾泰不日到黔會商

妥協當如何措理另摺二十五日奏具

好奏請施行並應前往古州清水江再爲宣布察恤
皇仁察議善後諸事俾一勞永逸上慰

宸衷至臣荷蒙八寨兵馬水州善風日野吉寧此
聖主逾格隆恩由知府微員於一年之內恭報
擢授巡撫夙夜冰兢實深不能勝任之懼茲值苗疆事
務初竣尚須料理又未敢冒請叩謁同督臣劉
天顏親承
聖訓謹將臣旋省到任情由繕摺具
皇奏竝跪懇
聖慈訓誨指示庶微臣有所遵循不致隕越統祈
皇上睿鑒謹

奏

硃批諭旨

三

張廣泗

常思不辱朕用人顏面則一語可行之終身矣

雍正七年七月二十二日貴州巡撫臣張廣泗謹
奏爲奏明事竊照清理苗疆一案仰賴我
皇上仁威遠播兼蒙

訓諭周詳臣欽遵逐一敬謹辦理得以漸次就緒嗣於
本年三月初七日督臣鄂爾泰抵黔省臣將前後
所辦之處竝苗情地勢面述請商又荷督臣確核
裁示臣諸事更獲依循當於三月二十七日自省
起程復往鎮黎各郡察勘布置業經恭疏

題報在案查八寨丹江九股等處旣已料理告竣此

後應接聯布置者則係清水江綠江之南北兩岸
寨分稠繁人丁衆多所有北岸各寨臣於駐劄丹
江之時卽令鎮遠文武相機招徠已俱就撫而南
岸各寨頑良不一尚在觀望是以臣檄委鎮遠協
副將張禹謨帶領官兵公同鎮遠府知府方顯前
去將已撫北岸各寨地方察勘宣諭卽可體詢未
撫者之向背情形及張禹謨等逐漸進至柳羅駐
兵對臨南岸卽有公鷺寨苗衆聽信漢姦唆撥遂
勾結柳利雞擺尾等二十餘寨渡江攻營當被官
兵迎殺頑苗數十人我兵亦傷亡十九名臣聞報

會商督臣一面飛飭張禹謨等加意固守臣卽一面星馳前去自臣到營之後該苗人等斂跡不出無敢復過江者又有柳利苗人不招自來喊求叩見臣知頑苗已有畏懼渙散之意遂分遣通事人等潛往各寨解其黨羽公鷺遂成孤立而防守亦懈臣於五月十四日子刻先令勁卒善水者乘霧浮江而過奪取其船官兵由上游渡江奮勇攻殺頑苗不支俱各奔竄十五日又邀同雞擺尾等寨前來攻營復被官兵衝擊頑苗傷斃甚衆大潰而返始知畏懼求生縛獻漢姦繳納軍器匍匐投誠

殆無虛日又江北岸有平夏一寨向來肆惡無比
於去歲官兵清理苗疆之時猶敢殺擄順洞糧苗
難以姑宥臣亦乘機發兵嚴加懲創仍令繳納鎗
械并擒獻兇首發審在案其餘未歸各寨俱望風
歸化約可萬戶臣隨傳集苗衆人等宣布

皇上天地覆載之恩不忍一介蠢頑棄置化外之至意
該苗聽聞之下俱歡忻曉悟查清水江兩岸新附
之區卽接聯九股丹江延袤千有餘里布置甫定
其防維綏輯之方必得賢幹大員始克勝任臣隨
請商督臣派令新陞鶴麗鎮臣蘇大有前來臣將

諸凡事宜詳細諄囑卽於六月二十五日從清水江起程前赴黎平料理八萬古州事務再臣於五月內在清水江行營接據駐劄丹江副將官祿稟報丹江內之桃繞等寨苗人聽信漢姦殺害差兵通事并糾衆乘夜衝營經官祿指揮弁兵將頑苗擊退等情臣隨抽撥官兵五百餘名著令馳去以資防禦而督臣亦自省端委安籠鎮臣哈元生前赴丹江相機調遣今該苗等已縛解漢姦呈繳鎗械又認罪求生并願拏獻兇首各緣由現在定擬完結所有一切情形緣督臣現駐黔省已不時摺

奏以及勦撫生苗就緒之處又經會疏
題達在案是以臣不敢冗贅上瀆平
宸聰謹將臣察勘鎮黎邊境竝料理
清水江事宜繕摺
奏明謹

奏

鄂爾泰亦經奏聞矣朕懷深慰此事之成功就緒皆仰
賴

上天垂祐鄂爾泰暨汝一念忠誠之所致但嗣後一切措
置尤當加意圖維毋涉輕忽倘少不妥協豈但前功盡
棄且將貽笑於天下後世其害可勝言哉敬慎爲之

硃批諭旨

三

張廣泗

奏且同日又奏天不貸州其遺民想言結鄰鄰之小水
置奏爲奏

聞事竊查黔省今歲夏田情形併豆麥春蕎仰荷
皇仁收穫豐足業經督臣鄂爾泰於五月內查明分數
將冊具奏

奏在案臣以察勘苗疆於三月二十七日自省起程
奏經過沿途地方正當播種之際雨水卽已霑足迨
氣卽抵行營駐劄目覩苗民栽插晴雨應時青禾秀發
顯嗣臣布置清水江已竣前赴黎平更見早稻已有
奏收割者其晚稻皆穎栗堅好迥異尋常有莖長七

大恩八尺者有兩岐者又有兩穗三穗至於徧畝者臣
聖慈凡到一處卽詳悉詢問據民苗人等歡呼稟述以
爲從來未有之奇且非特郡縣之間景象如此卽
大恩僻遠苗寨以及新撫夷蠻之地臣或已親歷或遣
人探查咸以十分豐熟見告兼據司道等稟稱上
游五枝苗有獻嘉禾者一莖竟至十二三穗此不
獨邊地所未覩尤屬遐邇所罕聞因奉有

特命停獻嘉禾諭旨臣不敢恭進所有臣親歷各處目
擊豐稔情形理合繕摺奏

聞伏乞

硃批諭旨

三

張廣泗

皇土睿鑒謹

奏

所奏欣悅覽之似此異常嘉禾實屬難觀如尚有存留者附便進呈仍不必題奏

同日又

奏爲恭謝

天恩事雍正七年三月十七日臣家人捧回臣因臣父

張鎬獲罪荷蒙

聖慈宥免敬摠蟻忱恭謝

天恩六摺奉有

硃批竝蒙

欽賜貂帽孔雀翎袍褂寧絀又蒙

特給奏摺匣四箇并鑰匙二枝到臣當卽郊迎至署恭

設香案望

闕叩頭謝

恩訖伏讀

硃諭以臣建立奇功切勿自恃致生驕傲胸中竟能忘

此榮顯則

高天厚地斷無不錫鑒祐之理欽此竊思開通苗疆一事

實由我

硃批諭旨

三

張廣泗

皇上聖德神威徧播遐荒一道同風所致又加以督臣
鄂爾泰敬凜

宸衷處置安詳指示明晰臣不過遵奉而行兼之凡有
宣力之處又皆將弁軍士各供驅策共矢勤勞逐
漸經理就緒臣何敢覲顏竟居功之一字而自恃
驕傲耶又伏讀

硃諭一切存心行事以鄂爾泰爲楷模而效法之將來
亦必爲國家棟梁之臣也欽此伏惟鄂爾泰忠誠素
著學問淵深處事剛明率屬公正臣向在其屬下
遇事多承啓迪今更欽承

聖主造就殊恩指示效法臣惟愈加凜體於察吏安民
星上之道存心行事之間竭力步趨虛衷則效縱臣智
識不逮或冀彷彿獲有寸益則可無負

聖訓卽微臣亦得漸就成材勉圖報稱也爲此叩謝

天恩竝繳

硃批謹

奏一

古人云有爲者亦若是如此矢志甚好近日朕於後進
撫臣中深有望於汝與金鉷二人也勉之

同日又

硃批諭旨

三

張廣泗

奏爲恭謝

天恩事雍正七年四月十五日臣標把總捧回臣於抵

古人巡撫任後具

奏一摺奉有

硃批竝蒙

欽賜果子二匣到臣當卽恭設香案望

闕叩頭謝

恩跪讀祇領訖仰惟我

皇上至誠臨御凡所以策勵臣工之處無不委曲諄詳

聖主從來

順齋惶恐感激爲此繕摺恭謝
天恩謹

望奏
汝能深體朕之苦衷夫復何諭但加勉言行相符莫辜
負殷殷期望也

奏爲奏明事竊臣有堂叔張鈺係候選知縣職銜於

聖諭雍正五年三月內欽奉
上諭興修江南水利一案具呈吏部帶領引
見命往效力臣知其外貌雖屬可觀而向來舉止乖張

性情疎謬但思彼旣蒙貴州巡撫引張貴四勤
聖恩揀發或知檢束自愛漸就成材臣以相隔遙遠不
能深悉惟於江南往來便差有認識者留心詢問
據云頗不安靜且因臣荷蒙恩寵之至
簡擢巡撫之後卽在江南以臣係伊子姪爲辭向人招
搖雖尚無實在款蹟設有愚昧無知之輩遇事輕
聽入其術中則臣罪莫可追矣臣查張鈺已經原
任山東撫臣陳世倌於

題明各員分委過工程效力緣由內稱候選知縣張
鈺賦性浮夸不便留工委用應令回旗以聽部議

硃批諭旨

三

張廣泗

等因聲明具不敷留工委用熟令回越以離陪藉
題在案何竟仍事淹留招搖無忌爲此具摺陳明仰

懇

山東撫臣劉世明

皇上俯賜敕部飭查張鈺如尚在江南應行督撫催令
回旗拘管約束庶妄誕之徒不致滋事微臣得免

簡辭遠顧皆我皇上南以臣糾紛干致爲賴向人時
聖主格外矜全之賜也臣不勝惶恐激切之至謹銜於

奏

請將張鈺革職並請將臣等留京候問

覽奏朕甚嘉之爲大臣者當如是居心也

朕訓諭數不

雍正七年八月初六日貴州巡撫臣張廣泗謹

奏爲恭逢奇瑞疊見謹據實奏

聞仰祈

睿鑒事竊臣前因察勘苗疆駐劄黎平府時接據思州府稟報府治於七月初八日有慶雲呈現嗣又據稟報初九初十十七十八二十二等日俱見慶雲異彩奇形官民驚喜實爲上瑞等因迨臣前進古州行營又據黎平協副將趙文英稟稱於七月二十五日在生苗梅得寨之後山忽覩祥雲自未至酉光華燦爛映射旌旗等語及臣旋省正值萬寶告成之後據各屬紛紛稟報齎驗前來稻穀有每

硃批諭旨

三

張廣泗

莖十餘穗者有兩歧三歧者有高七八尺至於徧
畝者甚至高粱亦有五歧六歧者小米有穗長二
尺并二十四穗者他如秋蕎紅稗以及菜蔬瓜果
之類咸俱發育茂盛且非特郡縣內地一概如是
凡深僻苗地并新開之丹江八寨九股清水江古
州各處亦皆十分豐稔迥逾尋常是皆我皇恩
聖主至誠感孚以致
太和洋溢疊著休徵徧處陽春年書大有
皇猷懋建永永無旣也臣犬馬寸衷歡忭無似所有據

奏報慶雲已經督臣鄂爾泰會疏具

題在案至於嘉禾瑞粟等項現在通查各屬俟秋收
之後統行彙核
奏報謹將臣目睹奇瑞豐稔情形據實繕摺奏

聞謹

奏

以手加額覽焉斯皆卿等竭誠奉公感召所致慶幸之
懷筆難悉喻日擊響應之理當愈加寅畏勉勵公忠以
仰答

天貺可也

同日又

硃批諭旨

三

張廣泗

奏爲奏明事竊臣前以察勘苗疆竝將清水江布置就緒以及親赴黎平料理古州事務緣由業經繕摺奏

聞昨臣已抵黎平將附近古州之岑梗梅得兩寨頑苗令副將趙文英領兵進勦苗等畏懼俱已繳械投奏誠其古州苗人咸各相率就撫所有新闢地界經臣身歷目覩悉心體察其形勢險阻而又貼近腹裏之區綿延周匝統計有二三千里已居黔省舊管幅員十分之七兼之大小寨分聯絡相應男婦丁口更爲稠蕃今旣循次開通則彈壓撫綏必當

詳慎周密有應向外控制者有應深入扼據者在
目前新苗初定我兵心力宜使聯聚不可渙散應
先安設大營次議分布塘汛所有營制臣業與督
臣再四酌議共需兵八千名除於各協營可以抽
減二千餘名外尚應請添兵五千餘名再此等處
所若以地界遼濶戶口衆多而論本可設立二三
郡但苗夷初歸祇須約束拊循事務頗簡若設立
府縣正印官徒增經費且新開之處一切經理創
作尤藉資附近之各府地方若遽行分割另立郡
縣則新疆與舊轄官民人等俱未免岐隔不能聯

緒是以酌議卽於鎮遠黎平都勻三府各添設同知通判等官俾以理苗之責專駐其地旣爲府佐不獨於新疆治理有益凡係該府舊轄之處該丞倅亦呼應得靈兼可使民苗情勢相通日就觀感并擬於黔省下游請添設一道員以統轄之俟撫綏約束二三年之後法制旣行勸施有效另當分疆畫界以定郡縣規模再俟數年地方大定則將所安八千兵丁之內亦可酌量抽減也臣察議如此因科場屆期而督臣鄂爾泰來黔已久兼有老撾國輸誠進

貢一事亟須回滇料理臣當於閏七月初七日自古
州起程於十八日已抵臣署又將措辦情形暨所
議之處向督臣詳細講論督臣意見亦同現在備
叙諸凡事宜開送督臣稽核另行會疏恭請

聖鑒指示以便遵行外督臣卽於閏七月二十一日自
貴陽起程回滇訖合併

奏明謹

奏

設官安營各事宜會題到日交部議覆有旨

硃批諭旨

三

張廣泗

奏爲奏明事竊查黔省上游之貴陽安順威寧三郡

素稱產米之區所以向來積貯亦多而下游之平

越都勻鎮遠思南黎平等府產米有限所以向來

積貯亦少經前署撫臣石禮哈議將下游米少之

府州縣舊存米二千石者再買貯一千石舊存米

聖不及二千石者俱買足二千石通計下游府州縣

共十五處應買補米一萬五千一百石并將上游

貯米太多之府州縣除酌數留貯餘則出糶以免

朽腐之虞業已部議允行嗣因去年米價高昂難

貢於採買又經前撫臣沈廷正咨部展限接准部文

令於今年秋收後查明時價報部買補等因是此
奏一萬五千一百石係應亟爲購買毋庸延誤也但
黔省年來屢次動兵暨清理苗疆一案多於下游
各屬撥用米穀則前有之存貯已爲空虛且現在
新開之苗疆等處俱各駐劄官兵所需口糧尚應
源源撥給是於原買補之外更須分別再爲多貯
庶不致有匱乏應請俟秋收米賤之時於附近八
寨丹江之都勻麻哈清平等府州縣附近清水江
九股之鎮遠黃平施秉等府州縣附近古州之黎
平開泰等府縣各分別添買米數千石及一二千

石不等以備供支竝爲儲蓄之用臣於旋署之日
卽面商督臣竝與司道等詳悉妥議意見僉同緣
秋收將屆若俟

奏請部覆到日恐致耽遲是以一面酌動藩庫銀兩
發交各該府州縣將原行買補暨議請添貯之米
均照時價採買其動過銀兩買米價值數目另行
詳核具

題外臣謹先行繕摺具
奏明再黔省地處遐邊額賦無多所以耗羨甚少凡
有一切必不可已之公費恒苦不足臣抵任以後

曾與司道等詳爲籌畫適值督臣來黔亦以爲宜
圖所以裨補之法查上游之銅廠鉛廠等項俱係
聽民開採官不過照例抽課毫無稽查以致其間
有當加以調劑俾有起色者有應釐剔積弊者并
可倣照滇省買運銅鉛之例動帑收買發運四川
地方轉售臣已面請督臣指導卽經委員前往確
查措辦頗有頭緒現議在於附近各廠之畢節縣
開爐鼓鑄所需銅鉛籌備足用之外逐漸經理旣
使商民稱便并可節省錢糧兼有餘息通計每年
約可得數萬兩實於

國帑有裨公費有濟今督臣已經回滇臣復公同司
道詳細酌議開送督臣再加稽核會疏
題報理合一併附陳統祈
皇上睿鑒謹

奏

籌畫甚屬妥協照所議行具題到日有旨買發戰四

同日又

奏爲奏明事竊查向隸川省之遵義一府并所轄正
安遵義桐梓綏陽仁懷五州縣因去川省甚遠離
黔省頗近於敬陳黔蜀粵西三省調劑疆域等事

案內奉 旨改歸黔轄以資治理官民稱便緣該府在川時有安插流民查丈田畝一案荷蒙

欽差到川分定處所公同各該管道員辦理嗣以遵義歸黔經川撫臣具

題交與黔省查照措辦卽經前署撫臣沈廷正檄委貴西道王廷琬前往督率各該地方官逐一清查去後臣於本年正月抵任因安插查丈事務關係重大復檄調該道至省細詢情形查遵義一府切近黔地於明末闖賊之變受害猶淺是以民多土

著在從前田地雖亦有荒棄者今太平日久多已
自行墾闢少有閒曠別省之人入川者見其地無
荒可墾不能駐足皆過而不留現在遵屬並無流
民應予安插者惟田畝一項欺隱實多當與川省
一體查丈辦理臣當將欺隱弊端備細諭明該道
令其詳慎清查去訖迨該道抵遵之後實心區畫
勸誡該府州縣等亦皆黽勉奉行士民俱各踴躍
遵從所有從前欺隱糧賦各行首出其一次舉首
未盡者首至兩次三次至一切插荒墾占朋名立
戶包免免荒詭寄飛灑混列四至捏造契照等弊

悉已逐一清釐咸予更正現據該道稟稱遵義一縣將次告竣正安桐梓綏陽仁懷四州縣俱有成局因遵屬田畝向不按畝定額祇論穀種科料今既經首出欺隱清釐諸弊正當乘此將糧戶的實姓名田地坵段畝數弓口四至俱逐一分晰里甲攢造魚鱗冊籍毋致仍前訛錯遺漏庶官民永遠遵照以仰副

聖主惠育羣黎之至意除俟科場事畢臣檄令該道再往督率經理完竣另行會疏

題達外所有現在辦理情由臣謹繕摺

硃批諭旨

三

張廣泗

奏明再查遵屬州縣向在川省輸納錢糧火耗係按
加三徵收起解歸公又於正耗之外有幫貼一項
望主每兩自五分一錢以至二錢五分不等黔省火耗
每兩自加一加一五以至加二而止再無絲毫加
派是遵屬較之黔例每州縣徵收火耗幫貼核算
竟有加五五者實爲偏重在從前民間田糧多有
欺隱尚不爲累茲旣清查增額似宜量子輕減且
按川省清查原卷亦有查丈清楚火耗可以遞減
之議今臣與藩司議令遵義各屬火耗俱照黔省
加二之例徵收至幫貼一項本應豁除因細詢該

奏州縣地方實在尚有不可已之經費故酌定除完
正耗外每兩只暫收幫貼銀五分俟清丈之事告
竣并諸務興舉之後卽當革除與黔例同歸畫一
公私均獲裨濟矣理合一併附陳統祈

皇上睿鑒謹

奏

具題到日另有諭旨遵義一府雖改歸黔省諸凡措辦
處必與川省畫一方合不宜參差互異也若川省之所
料理或有不協當一面密咨商酌一面奏聞請旨

雍正七年九月十六日貴州巡撫臣張廣泗謹

硃批諭旨

三

張廣泗

奏爲奏

聞黔省年歲大有情形竝米糧價值事竊黔省今歲自
春涉夏以至秋成雨暘時若百穀豐稔業經臣兩

具陳次摺

奏茲奉到

硃批所奏欣悅覽之似此異常嘉禾實屬難覲如尚有

存留者附便進呈仍不必題奏欽此仰見

聖主惟誠惟敬不言祥瑞而重念民依無時或釋之至

意然臣彼時所

奏係就鎮遠黎平兩府經由目擊者而言迨臣於聞

七月內旋省之後據通省地方文武紛紛稟報無論漢土苗疆高低原隰所種稻禾以及黍粟等類莫不蕃實暢茂嘉禾瑞穀難以悉數其稻穀則自一莖兩三穗起至十五六穗不等其粟米則穗長一尺四五寸至二尺不等更有稻穀一本三十穗者粟米一本四十八穗者甚至一穗之上復生爲六岐九岐者不獨天末遐邊從來未見卽中州沃壤亦所稀聞是皆我

皇上敬

天法

硃批諭旨

四十

張廣泗

祖念切民依至誠感召之所致理應據實奏

聞請

旨宣示中外備書史冊昭垂萬載以光

聖治除會同督臣另行繕疏

題報竝將嘉禾瑞穀敬貯萬八千穗繪具全圖委官

領齎恭呈

御覽外謹繕摺

奏明再收成之後所有通省米糧價值每石自四錢
起至五六七錢不等卽產米頗少之處每石亦不
過七錢以至八錢有零合併奏文

聞統祈鑒詔文封候稽咨內開奉武舉中額加增三名
皇上睿鑒謹奉敕旨該部知道欽此
奏准欽此各等因欽此
據奏黔省秋成大有情形朕懷曷勝欣慰以手加額覽
焉

其同日又需者儘公節制務多不遜又外另議而
奏爲懇請
題達叩謝

天恩事竊查雍正七年五月內准到部咨欽奉

上諭各省督撫提標俱倣照八旗兵丁之例按兵丁之

殊批諭旨

聖

張廣泗

數分別給賞銀兩交與該督撫提督委員料理營運
天以惠濟兵丁臣標兵丁一千三百八十名蒙

恩賞銀六千兩又於雍正七年七月內准到部咨欽奉

上諭數年以來甘肅四川雲貴廣西五省有用兵等事

其一切軍需皆動公帑備辦秋毫不派及於民間而

糧餉轉輸亦有資民力將貴州庚戌年額徵地丁銀

七萬四千有奇

特予蠲免各等因欽此臣隨先後轉行布政司暨臣標

呈上中軍遊擊通飭遵照去後迨於八月初六日臣入

聞諭聞監臨又接到部咨內開奉

旨黔省鄉試文舉中額加增六名武舉中額加增三名
等因欽此臣復欽遵行司出示曉諭在案昨以試
事告竣揭曉臣出闈之時正值多士雲集在省合
奏同耆老兵民人等赴臣衙門伏地歡呼懇臣代
奏并各具呈由布政司中軍等衙門詳請代

題叩謝

天恩前來除各照例具本

題達外臣目覩輿情感戴實深欣慶之忱理合繕摺
奏

聞謹

硃批諭旨

呈

張廣泗

奏

睹茲軍民士子感戴情形我君臣愈當共加黽勉檢身
敬事絲毫勿涉驕矜恣肆若少存自滿假之必招不
知足之報此理實捷如影響也戒之慎之

雍正七年十一月二十六日貴州巡撫臣張廣泗

奏謹各具呈由直隸同中軍善衙門轉請外地下銀
奏爲恭奉兵部人等快引衙門外此燭平懸引外

進稻孫靈芝事竊照普安州地方於收穫之後復長

瑞穀并據都勻府送到苗地石土所產靈芝恭逢

萬壽聖節官民稱慶望

闕嵩呼各情由業經臣會同督臣鄂爾泰另疏具

題在案伏查他省田土或有一歲收成兩次者皆因地煖早收復行播種所致黔中土薄性寒雖稻穀之成熟有早晚不同而從來未有播種兩次者今普安州所屬竟以遺留在田之稻根自發禾苗不藉人力不費耕耘漸至成熟且盈阡滿陌復覲豐稔是誠農祥奇特自有書契以來所未載者至於芝草之生古來稱爲上瑞紀述亦繁或係依附草木或係叢生於地今都勻府齎到靈芝乃全不附藉於草木竟從石上雙幹挺生長幾盈尺且其芝

蓋連理五色煥彩是誠我
皇上萬年仁壽之徵全黔民物之慶臣犬馬愛戴微衷
莫可言喻敬將稻孫靈芝耑差臣標把總捧齎恭

呈呈
御覽伏祈
不費
御覽伏祈

睿鑒謹

奏

覽所奏并齎來稻稻芝草朕實爲欣慶我君臣惟凜敬
畏之誠毋致稍縱乃志從來休咎共域禍福同門皆在
人之自取書曰

天難謀命靡常曷可一時不慎耶睹斯影響之昭示益驗
感召之微妙能於幽獨處不愧庶幾立身之本得矣勉
之

同日又奉諭又於八月二十四日熱署貴賓課
奏爲奏

聞事雍正七年八月二十日據黎平府知府張鉞黎平
協副將趙文英公同報稱卑職等奉委帶領官兵
在古州駐劄撫綏於本月十五日有土通事楊士
奇稟稱在營盤外檢著布包一箇內係散碎銀兩
不知何人失落不敢隱瞞特送臺前收明俟原主

找尋給還等語至下午時分有利洞苗民老頓等五人赴營稟稱同夥賣猪肉生理共有紋銀十三兩三錢零本日早間失落今知有人拾得送官懇爲查給緣由隨檢閱包內數目字記相符當卽給還而老頓等感激楊士奇以銀二兩酬謝楊士奇亦不肯受卑職等當將楊士奇獎賞以彰善俗理合報明等情又於九月二十四日據署貴定縣知縣陳以明報稱本月十九日據縣城鄉約鄧起龍等稟稱本日係趕場之期有民人王明在場失落銀包一箇內銀三兩零竝契約一紙遍場尋找忽

有麥董寨狝苗阿羅認承拾得銀包憑著鄉約等
當衆開看銀數契紙俱合卽行交還王明願請酒
謝銀伊竝不要如此見財不取衆民歡悅只得具
報等情卑職一面給以花紅合將緣由具報等情
據此經臣先後檄司獎賞竝飭各該地方官給予
匾額以示獎勵外伏思楊士奇係苗邊土役其阿
羅係夷狝之流生性最重貨財乃竟能拾金不昧
却辭謝資咸知好義誠由我

皇上聖德感孚潛移默化所致臣曷勝欣躍謹繕摺奏
聞謹

硃批諭旨

聖

張廣泗

聞奏

據奏邊民有好義之誠朕深爲嘉悅候另有諭旨

同日又

奏爲恭繳帑文冊並封景重賞銀八寶並金不相

硃批叩謝以示獎勵欽此

天恩事竊臣家人自京捧齋賞並繪各道此式官餘子

奏摺匣回黔竝蒙面餘以并聯合豫絲由具辦等語

欽賜貂皮大緞寧紬哈密瓜到臣臣郊迎至署望縣具

闕叩頭祇領訖隨敬開摺匣有臣具奏黔省慶雲以及

豐稔情形一摺奉有

硃批臣跪讀再四不勝敬慄伏思整理苗疆之舉總由
聖主德威遐播且非祇寧謐巖疆奠安庶民而已俾此
數十萬之愚蒙從古未霑治化者一旦超出沉淪
共爲赤子所以上協

天

心休徵疊應用慰我

皇上憂勤懷保之至意所有苗疆一切善後事宜臣惟
恪遵

聖訓加意敬謹辦理不敢稍有疎畧卽督臣鄂爾泰雖
在滇省百凡告誡備極周詳近因前赴粵西尤以
各處行營駐劄文武各員不能和衷不能鎮靜爲

硃批諭旨

吳

張廣泗

慮諄諄致臣就近提撕其札開有云苗疆之役始
事非難而善後爲難治苗非難而任將爲難誠實
者或才智平庸機警者或器量淺狹祈爲時切提
撕必得視公事如家事合衆心爲一心目下之所
急講者專在馭將將果得人而苗不必患矣又云
駐劄苗疆諸將須頻頻告誡勿玩事勿生事勿爭
功勿忌功勿貪小利勿輕役使惟嚴藏於寬斯畏
生於愛無事時常防有事有事時化爲無事則雖
大敵當前不難操縱何況蚩蚩苗獮哉目下治苗
專以不生事不啓釁爲主所以上慰聖之舉繇由

聖懷下安兵民保前功而毋貽笑者全在於是等語此

札內

不獨治理新疆之要道而實人臣莅事之規箴臣

誠者也

當逐行札囑竝隨時隨事舉以告誡務期交相勉

勵實力凜佩現在各處行營皆係駐扼險要官兵人等俱各感戴

皇恩和衷撫戢其出師兵丁內有因患病回營及差遣缺額者應行撥補并現在

題請設立鎮營尚須添募兵丁應上緊招募足額以及將來新兵所需礮位鎗械之類應預爲估製凡

此經提臣楊天縱昨遵

硃批諭旨

聖

張廣泗

旨到省會考武舉之際臣俱逐一面商辦理又各處安

設營制應建城垣臣已請商督臣若用磚石不但

工費浩繁抑且動需時日今酌議概以土築量加

堅厚即可經久以及官署營房先行酌給銀兩預

皇恩備物料俟部覆到日速為蓋造使營制規模早定

所議是但創始雖用土築應否續加磚石抑或永為土

城之星羅碁布壁壘森嚴則苗人心志自定庶收一勞

處當與鄂爾泰再加詳商永逸之效矣伏念臣才本凡庸膺斯重任仰蒙

聖主訓諭切至勉以寅畏勗以公忠敬承之下敢不凜

體竝領會督臣始事非難善後為難之告誠於一

第能駕馭屬員教誠有方何事不克就緒也

切事宜惟有慎重圖維措置妥協以上副

宸衷垂注稍盡臣之職分也再臣原不端用者亦勤王
奏黔省應買貯米石并收運鉛斤以及辦理遵義府
地方清丈田畝等事現在遵奉

諭旨逐一詳核另疏會

題外合將奉到

硃批五摺恭繳竝跪謝

天恩伏乞

皇上睿鑒謹

奏

覽

硃批諭旨

張

張廣泗

雍正八年三月二十七日貴州巡撫臣張廣泗謹
奏爲恭懇

聖恩揀發人員以資委用事竊照黔省現在州縣內除
已於苗疆要地或例應揀選

題補或因督臣遵

旨遞行題補所出之缺前於督臣鄂爾泰經由黔省時
臣將人地相宜之員詳細酌量逐一開送督臣聽
候確核會疏

題請補授此外可用之材頗少至從前奉發來黔之
試用知縣祇剩四五員知縣以下試用者亦僅五

六員又俱已委署差遣凡有州縣等缺出每致委署乏人伏查近准吏部咨開欽奉

上諭會試中額廣至四百名其中必有可供任使之人而直省選拔貢生陸續來京亦可揀選教導而成就之以備庶官之用欽此仰見我

皇上勤求吏治博攬人材至周至備茲黔省旣在需員

臣跪懇

天恩准於會試中式之進士內并在部候補候選之知

州知縣內

敕諭揀選十餘員恭候引

硃批諭旨

欽

張廣泗

見命來黔省俾遇有州縣缺出分別繁簡酌量委署庶
員缺不致曠延矣再查各府州縣之經歷吏目典
史等官有端司緝捕防範監獄之責至苗疆要區
尤不可一日缺員并請

敕部在於知縣以下之候補候選人員內亦行揀發三
十員來黔以便遇缺借補委用庶臣得資臂指之
益臣謹繕摺

奏請伏祈

皇上睿鑒謹

奏

有旨諭部照所請揀選發往

同日又

奏爲奏明事竊臣自抵任之後檢閱卷宗欽遵

上諭查得黔省各官於雍正三年起荷蒙

皇上俯准分給養廉以來迄今數載實無上司仍受屬

員節禮陋規之事惟養廉一項自巡撫以至州縣

業叨

聖恩賞給其餘佐貳雜職等員并各學教官從前俱未

議給所當凜遵

諭旨悉心商酌況近今新設苗疆道廳等官亦應給與

硃批諭旨

辛

張廣泗

養廉以及通省地方公務經費不敷均應從長調劑今擬將貴州礦廠所產倭鉛照滇省之例動帑收買運售除歸還課項外每年餘息約可得銀五六萬兩仰懇

聖恩卽將此項餘息銀兩賞給黔省以爲養廉之需竝一切公事之用則諸凡皆得充裕羣工均戴

皇仁於無旣矣臣謹與督臣備細籌畫暨司道等核議

奏僉同謹繕摺奏

聞所有公費養廉數目另繕清摺恭呈

睿鑒謹

奏

各官養廉一節亟宜措畫但直省從無議及教官者爾此舉似有示恩沾譽之意將朕所諭密令鄂爾泰知之

同日又

奏爲恭謝

天恩事雍正七年十二月初一日臣標千總自京捧齋

奏摺匣回黔蒙

欽賜哈蜜瓜一箇臣卽郊迎至署謝

恩祇受隨敬開摺匣內臣具奏黔省士子兵民同時叩謝

硃批諭旨

五

張廣泗

天恩一摺奉有

硃批又於雍正八年正月二十九日臣標把總自京捧

奏摺匣回黔竝蒙

欽賜御書福字一幅荷包一對菓子二匣臣卽郊迎至

奏署謝

恩祇受訖臣又敬開摺匣內臣恭

進靈芝暨稻孫一摺奉有

硃批伏念臣本庸材蒙

皇上賞賚頻頒復荷

訓誨提撕至詳且切臣感戴之下惟有細心領會力圖
步趨克去驕矜勉積敬誠以仰副

聖主委曲告誡於萬一若臣稍存慢斃於立身之本有

虧是臣上負

訓旨罪戾更何可追乎爲此繕摺跪謝

天恩竝繳

硃摺謹

奏

覽奏謝知道了砥礪操守爲第一要務若稍失檢點毫
髮有瑕朕實爲汝惜之勉之母忽

硃批諭旨

至

張廣泗

雍正八年六月初八日貴州巡撫臣張廣泗謹

奏爲奏

聞黔省夏田收成情形竝米糧價值事竊照黔省自去
冬以迄今歲春夏之間雨水均屬調勻所有民苗
布種麥豆春蕎油菜各項雜糧咸皆茂盛結實現
在收穫已竣據布政司彙報前來查各府州縣收
成分數俱有九分十分再入夏栽插之後雨水霑
足稻禾挺秀井豆粟高粱稗穀之類亦俱發育壯
盛今已屆六月時雨不缺若於秋成之前再得時
雨一兩次可期大有至於現在各屬米糧價值每

聖恩米一石自四錢五錢以至七錢不等麥蕎雜糧每石自二錢以至四錢不等卽產米頗少之區每米一石亦祇八錢有零以至一兩不等臣叨任封疆天恩目覩熙和懽忭靡旣理合繕摺奏

聞伏祈

皇上睿鑒謹

奏

夏收分數已悉至於秋成尚早非肆志自喜之時惟當竭力加勉敬誠以待

同日又

硃批諭旨

聖

張廣泗

奏爲恭謝

天恩事雍正八年六月初四日臣標把總白京捧齋

奏摺匣回黔並蒙

欽賜錠藥一匣臣郊迎至署恭設香案望

闕叩頭謝

恩祇受訖隨敬開摺匣有臣恭謝

天恩一摺奉到

硃批諭旨臣跪讀之下感激悚惶伏念臣一介庸愚仰

荷

聖恩於半載之間由知府微員拔置巡撫臣敢不勉圖

報稱時切奮勵惟限於才具思慮不能周到於事

奏

每多疎昧舛誤之處罪實難辭至於操守乃斷之

原屬

最易最難之事人人悉知各皆不能者章奏中此

於心人人得以自主者且臣屢次

一二語何足取信須行與朕看

奏摺悉蒙我

聖主訓諭期勉至詳至切臣少具心知敬謹凜體常念

操守乃居官爲人之根本若根本尚不能端正何

以克承

聖訓而無忝官守非僅辜負

聖恩抑且赧顏於人世矣茲復欽承

硃諭惟有益加敬凜觸目儆心矢竭血誠力圖報效庶

硃批諭旨

五

張廣泗

將備仰副益賦帶稟職目辦心天賦血精代國辦效魚
聖主提撕矜全於萬一耳所有微臣感激蟻忱謹繕摺
聖貽跪謝恭賀非敢辜負

天恩伏祈

睿鑒謹

果能言行相符朕復於汝何慮

同日又

奏爲奏明事竊臣前奏辦理運售鉛觔所有節省餘
息銀兩以作黔省公費暨增給各官養廉一摺奉

聖恩有茲聖恩有茲
硃批臣跪讀凜承惶悚無地隨謹遵

諭旨敬錄密送督臣鄂爾泰領悉外伏查教官養廉一

項緣先准部咨欽奉

上諭今觀山東巡撫司道等官之私收陋規如故則他
省或有似此欺隱私受者亦未可知在地方官薪水
之資自不可缺但於屬員之手接受節禮陋規斷乎
不可今各省內或有尚未分給養廉之員著各督撫
悉心商酌一面辦理一面奏聞欽此欽遵仰見我

聖主務期臣工謹飭廉隅使苞苴永杜之至意現在黔

硃批諭旨

聖

張廣泗

聖主省自州縣以上凡有從前陋規節禮業已盡行剔
除惟查教官等染於積習於生童進學則仍收受
不贄見之禮以及補廩出貢丁憂起復等事莫不需
索紙筆之費竊念士習爲民風之表率而士子之
優劣俱責成教官稽核舉報若操守不潔何能悉
出於公是以臣遽將教官與雜職等一司議給養
廉冒昧陳請乃竝未細思直省從未議及其勢難
偏旨以周溥此實臣愚昧之咎悔懼無及斷不敢稍萌
沽譽之念上負
聖恩下滋臣罪也荷蒙

聖主訓諭諄切臣不勝感激惶悚除俟督臣鄂爾泰再

爲妥核

奏請外臣謹抒蟻悃繕摺

奏明伏祈

皇上睿鑒謹

奏

斯當深以爲戒朕每見凡存沽譽之念者必至敗名而
後已稍懷市恩之心者必至被怨而方休設或不信試
行看他日自知

雍正八年九月十八日貴州巡撫臣張廣泗謹

硃批諭旨
硃批諭旨

奏

張廣泗
張廣泗

奏爲奏

聞黔省秋成豐稔情形竝米糧價值事竊照黔省秋成

臣據署布政司接據各屬開報前來所有貴陽安

順等十三府定番廣順等十四州貴筑龍里等三

泰十三縣共計六十府州縣無論內地苗疆高低原

皇土隰所種稻穀竝雜糧悉皆蕃盛結實十分收成至

奉米糧價值貴陽大定二府暨所屬州縣每米一倉

泰石價銀自三錢二分以至四錢有零高粱蕎稗

每石自二錢以至三錢有零其平越都勻思南石

望土阡遵義等府與所屬各州縣暨鎮遠府屬之施秉

縣黎平府屬之天柱縣米價每石則自四錢以至五錢有零卽鎮遠府與所屬之鎮遠縣黎平府與所屬之開泰錦屏永從等縣銅仁府與所屬之銅仁縣思州府與所屬之玉屏青溪二縣暨威寧一州向來產米最少今米價每石祇七錢以至八錢有零其雜糧價值均與貴陽等屬不相懸殊俱甚平減兵民樂利臣謹繕摺奏

聞伏祈

皇上睿鑒謹

奏

硃批諭旨

弔

張廣泗
張廣泗

覽黔省秋成并米價情形深慰朕懷

雍正八年十月十七日貴州巡撫臣張廣泗謹

奏爲奏

聞大兵克復烏蒙府治情形仰祈

睿鑒事竊照烏蒙裸衆構逆不法并滇黔兩省調遣漢

土官兵布置方畧等緣由經臣繕摺

奏明茲於十月十五日酉刻接淮安籠鎮臣哈元生

咨爲恢復烏郡飛報大捷事內稱本鎮於本月初

八日自得勝坡督兵進剿前至以那劄營有叛逆

二萬餘衆竟在對面山梁張旗吶喊連站十有餘

里我兵雖強幾有衆寡不敵之勢本鎮籌思非用
奇兵曷克制勝是以兵分三路左右埋伏於初十
日本鎮由中路對敵逆賊不虞左右伏兵兩路夾
攻賊衆披靡大敗四奔我兵奮勇追殺連踏賊營
八十餘座鎗礮打死不計其數追至稻田壩官兵
奮力冒險殺過松林直搗巢穴恢復烏郡實爲大
捷理合通咨等因到臣臣閱讀之下深爲額慶所
有大兵進剿烏逆克復府治情由理合據實繕摺
差員馳驛奏

聞謹

硃批諭旨

美

張廣泗

奏

據報克復烏蒙情形朕懷深慰以手加額覽之

同日又

奏陳烏蒙克復情形由駐合州實

奏爲奏明事竊照烏蒙賊猱勾結東川鎮雄以及威寧所轄阿底之夷衆跳梁不法勢甚蔓延必須多調漢土官兵始足聲援制勝今計督臣鄂爾泰派往東川一路漢土兵丁約有一萬五千餘名黔省經提臣楊天縱與臣先後遣撥赴威寧鎮雄者計官兵二千七百餘名從下游苗疆撤回上游協營並提標兵丁遣赴威寧者二千餘名又督臣檄調

滇省之漢土兵丁一千三百餘名來威應援合之
黔省所調土兵四千餘名統計亦有萬人所需糧
米除東川係督臣委令滇員經理接濟外至威寧
一路需糧亦多關係重大臣於據報之始卽與司
道定議就近將大定黔西平遠畢節等府州縣存
倉之米撥運赴威六千餘石續又分撥三千餘石
共足萬石之數專委貴西道賈擴基總理督運以
供支威寧一路官兵無分滇黔計算可敷三月口
糧嗣後如有不足再行陸續運送至於奮勇官兵
并夷目土兵人等之輸誠效力者皆應臨時分別

石倉穀遂能償其過乎誌之茲所辦俱屬妥協內惟苗
疆撤回之兵弁又調赴行營止慰諭以空言安能鼓舞
令其踴躍用命雖據奏稱厚加犒賞竝未聲明若何給
與當傳宣諭旨更爲從優錫賚必使人人過其所望方
愜朕懷作速酌量辦理具奏以聞

皇上雍正八年十二月初一日貴州巡撫臣張廣泗謹

奏爲奏

聞大兵進剿逆夷連捷情形仰祈
聖鑒事竊照烏蒙徠衆不法所有官兵於十月初十日

恢復郡治緣由經臣繕摺

奏明嗣鎮臣哈元生駐劄烏蒙行營躡探搜捕陸續
救回被難之兵民男婦大小五六百名口并傷故
官弁之眷屬子女數十口又分遣漢土官兵令叅
將康世顯等由魯甸而至牛欄江邊以接應東川
令遊擊曾長治等由龍門碕山攻打法漏室以爲
鎮雄援助緣烏逆悖叛之後東川諸夷皆被勾連
遂將東烏道路隔絕迨叅將康世顯等領兵前抵
江邊於十月二十九日有滇省遊擊王先等自東
川領兵過江與康世顯等會合而東烏聲息始通
其鎮雄營叅將韓勲於遊擊曾長治未抵法漏室

之先已將逆目施額法漏并賊夷黨衆屢次攻勦
暨搗其巢穴復由戈魁河銅厰溝一帶沿籌搜擒
獲有賊夷男婦一千八百餘名口先將鎮雄界內
賊黨勦撫安帖然後率兵前進烏蒙直抵伐烏關
甕迭聖等處相機布置於十一月初六日進取大
關雄魁與賊對敵連破牌柵五層賊人敗潰隨卽
克復其川省之領兵官李繼經等從筠連一路克
取豆沙關攻破小關大關與叅將韓勲官兵不約
而同聲勢聯絡臣查烏蒙地方形勢深險除郡城
之外其大關米貼兩處最屬扼要所以於大關之

雄魁腦地方分駐通判米貼則改爲永善縣并各
安設營汛官兵以資彈壓自郡城失陷而大關米
貼俱被賊黨所踞前日鎮臣哈元生提師直進恢
復府治今則叅將韓勲等一鼓克取大關所有米
貼各夷一經官兵到彼諒必不敢抗違此皆仰賴
我

皇上天威遠播鎮將弁兵奮勇用命督臣鄂爾泰調度
周詳之所致也現在川省官兵已經會合并准鎮
臣哈元生咨稱復自烏蒙分兵三路拔營前進其
逆猱遊魂不過藏匿溜筒江邊一帶巖硎深箐之

內已布置周密四面搜剿等語則是尅日可靖餘
孽大兵凱旋以上慰皇業伏乞三朝睿覽其
聖懷臣謹將大兵連捷情形繕摺奏曰謹會合并封
聞謹天貺敷猷勳猷猷猷猷猷猷猷猷猷猷猷猷
奏并進奏等處相繼布告於天下以昭大
觀此情形式之克捷實賴
上天垂佑所致殊非人力之所能者

同日又奏黨眾阻節日勳聖合示聖恩聖恩聖恩
奏爲奏明事竊照黔省下游苗疆安設鎮營各處官
署營房逐一估計蓋造其城垣乃保障要資尤關

重大現在清水江丹江雞講城垣已陸續報竣惟
八寨古州尚在趕辦春初可以完工至於各處苗
情均屬安帖祇有續行開通之都江山苗滾踪等
寨每每潛行出沒伏草傷人鎮臣蘇大有遣兵前
往究懲傷故千總一員兵丁十五名又有定旦革
招等寨或於夜間潛來營盤左近放火以圖驚擾
或於沿江零星伏草傷害貿易民人因之凡有緊
要文移差使俱於各行營挨次撥兵護送昨據駐
劄都江之黔粵將弁等稟稱十一月初六日有定
旦營盤撥送臣衙門齎文差役赴來牛之兵丁回

至高孖地方忽有頑苗突出阻截於山土木石齊
下兵丁立脚無地遂致傷損四十餘名等情由臣
查都江乃黔粵河道通達要區鎮臣蘇大有已於
十一月十三日病故古州總兵之缺督臣業委領
兵在黔之廣西桂林協副將董芳護理臣當飛致
護鎮臣暨諄諭在事文武和衷共濟務將滾踪定
旦革招等寨嚴行究懲現據報稱清江協副將趙
文英慶遠協副將潘紹周已帶領官兵前往布置
諒此數寨遺孽不難剿除而巖疆水陸一帶自無
阻隔之患矣再查上游長寨地方狎苗從前恃險

肆惡幸於雍正四年督臣鄂爾泰殲其渠魁撫其餘從并安營設官彈壓比年以來得以寧謐緣長寨一營初係安兵八百名續因歸化設營撥去二百餘名除分駐各汛塘之外存城已屬無幾派遣苗疆出師者尚未撤回昨值烏蒙之事復經撥兵一百五十名前往應援則是愈爲空虛近聞苗人等因年歲豐收照依俗例衆寨會合要砍牛數十條祭賽祖先等情臣思長寨自從整頓約束以來已歷數載未敢舉行此事今乘斯營汛兵單之際忽思仍蹈前習必非無故臣當密飭廣順州知州

暨長寨營叅將一面宣諭禁止竝留意稽查而提
臣楊天縱亦委員帶兵二百名前去各該寨遊巡
體探逐爲示諭該苗人等隨俱凜遵中止但長寨
終屬巖區撫戢之方不可稍致疎忽現在該營調
往烏蒙兵丁已先有撤回者提臣亦量留遊巡之
兵暫駐貼防并傳喚各寨之管事頭人數名就近
赴安順詢問若彼毫無詭異情迹則已倘果前日
有何不法之念推詢得實臣當會商督提二臣設
畫安插妥善毋使得以作姦貽患也所有情形臣
謹繕摺附奏

謹繕摺附奏五四平督臣楊爾泰題其果無其

奏伏祈

皇上睿鑒謹

奏

一切安插撫輯機宜悉心與督臣鄂爾泰商酌行之

同日又

奏爲敬陳一得之愚恭請

聖鑒事竊查直省督撫等衙門每遇

大計之期除卓異八法照例舉行外其不入舉劾之

員俱密填考語送部部臣列定等次進呈

御覽卽於部內存記檔案未奉行知是各該員之優劣

殊批諭旨

奎

張廣泗

其本人暨通屬皆不得與聞而各督撫所註考語
既係密填密送無從彰露或仍有徇情任意之私
大亦未可定今雍正八年分恭值伏其不入舉薦之
聖大計之期所有黔屬各官除應附薦官二員不謹罷
奏軟年老有疾才力不及等官十八員照例具本
題達外其不入舉劾之員臣俱逐細密填考語送部
應俟部臣列定等次進呈
御覽之後卽請

旨將所定等次飭部開列行知以便與原註各該員考
奏語一併印刷粘單通知各屬俾其彼此優劣相形

尤易觀感興起且其中才具操守互有短長使知
一經考核悉達
天聽則才具政事雖優而操守平常者必知儆惕加勉
或操守雖好而才具政事中平者亦必力圖振作
竝請

敕諭督撫等將此屆所定等次俟至下屆考核之期詳
慎稽覈如有自恃優等怠惰前修者不妨降爲劣
等如有悛改舊習奮勵上進者不妨陞爲優等逐
一據實填明出具考語送部以聽部臣考察不得
瞻徇失實如此課職程能似可推廣

聖主策勵臣工核實吏治之道於萬一也是否可行伏

祈懇實與臣出具書請教時以離時日未察不辭

皇上睿鑒指示謹舊舊舊調土並告不故望為憂等

奏則舊舊收存自計憂等忘辭前到者不故到為從

吏部議奏等語此風臣等未對至不固舊等之誤

雍正九年二月十八日貴州巡撫臣張廣泗謹

奏為奏明事竊照銅仁府屬附近三不管苗地坡東

坡西各寨新經就撫緣係黔楚接壤之區督臣鄂

爾泰前自廣西巡歷回滇路過長沙與湖南撫臣

趙弘恩暨辰沅道王柔面議紅苗事務并經由鎮

遠指諭銅仁府協等辦理之方嗣經湖南撫臣趙
弘恩辰沅道王柔俱

奏請奉

旨於上年十月內來至六里招撫措置准督臣知會到
臣隨檄令銅仁協副將張禹謨酌帶官兵前往適
中之地駐劄彈壓并令知府姚謙公同楚員聽候
撫臣趙弘恩將所招三不管苗地先行判劃黔楚
疆界然後查明寨分戶口作何設汛安兵與楚省
營汛聯絡關照竝一切善後治理事宜詳加妥議
繪圖具覆以便咨商督臣確核飭遵去後續據該

府協稟稱業將黔楚地界割定管轄傳集各苗目
砍款賞犒宣述

皇仁倍加歡悅現在委員分往坡東坡西料理清編訖
卑府協已於十二月初六日回郡容俟定議營汛
諸務再行繪圖稟奪等情臣查苗人甫經歸附正
須大員在於適中之地駐劄料理停妥何得府協
二人俱匆遽旋署甚爲疎忽當卽飛檄嚴飭乃忽
於十二月二十一日據該府協會同稟稱親歷已
撫之三不管各寨清查賞諭已畢復委令吏目張
公佐把總張文炳前往坡西核清糧銀編查煙戶

內因稿坪落唐等寨有命案兇犯石老明等該員
弁勒要獻出詎石老明等硬不肯出邀齊落唐稿
坪各寨苗子一二百人於十二月初九日早假裝
來看上糧各執棍棒擁進苗目老求屋內將吏目
張公佐把總張文炳登時打死在地隨去兵役一
齊捉住理合據實飛稟等情到臣隨一面專委鎮
遠府知府劉洵馳往確查一面就近知會提臣楊
天縱酌撥官兵以俟進剿續據劉洵稟稱細查稿
坪等寨苗人起釁之由因吏目把總收糧太緊每
戶索銀錢餘以致苗人銜怨滋事等語則是該吏

目把總藉端勒索禍由自取該知府副將旣未措置妥協俱卽輕離又委託不得其人致起釁隙而

臣之教誡不周致初歸苗人激令生事罪實難辭

臣卽將委查情由致明督臣竝咨請主稿會疏

題叅在案至原報所稱捉去兵役現已陸續俱行追出在該苗人等實因激成起釁是以被捉兵役尚不敢一有傷損但已經歸撫輒敢因事糾黨毆斃職官何可寬宥所有兇首以及隨行不法者必應擒剿示儆查現在黔楚調集官兵三千名以之直臨兇穴儘足遣用緣該府協與鎮算鎮臣周一德

等會商彼處山箐甚大路徑叢雜并一帶均係新
撫苗人凡未與附和者先須曉諭安輯無使驚惶
然後分布堵禦進剿庶兇類不致漏網可以一舉
而定矣容俟布置完結另行

奏報外合將據稟暨臣等委查辦理情由繕摺

奏明伏祈

皇上睿鑒謹

奏

其未與附和者自當先行曉諭安輯俾兇良有別諸凡
慎爲之不可輕忽從事

硃批諭旨

究

張廣泗

同日又

其奏爲敬抒愚忱恭請

不棄

陛見事竊臣一介疎庸荷蒙

皇上隆恩數年之內由知府

簡昇封疆重任

聖恩高厚莫可名言臣感激悚惶實不知所措當恭承

恩命之下驚惕靡寧卽擬披瀝誠悃叩謁

天顏緣清理古州苗疆一帶尚未告竣繼以烏蒙用兵

之事一切軍需應行料理是以輾轉稽延不敢冒

昧會商如蒙山善甚大猷益業維新一帶以糾縻

奏請茲烏蒙首逆就擒黨類俱已殲除而古州等處
布置均各就緒臣俟布政使常安到任卽當請商
督臣鄂爾泰定期前往古州等處逐加查勘所建
城垣營房官署是否堅固合式所開河道是否通
行無阻新議都江一帶安設營汛處所是否扼據
險要以及所辦事務是否因地制宜悉合輿情可
以垂久而無弊與鎮將暨該管文員等面爲講論
一切以資拊戢治理并就便前赴銅仁所撫之三
不管苗地察看形勢悉心詳酌將諸凡事務備細
請商督臣應辦理者卽行辦理應

奏請者卽行奏

聞務期巖區永靖章程不致疎畧以收寧謐之效伏懇

皇上天恩准臣於苗疆巡歷旣畢兼程赴京跪謁之

天顏恭聆

聖訓不獨居官莅政之要臣獲以一一遵循卽臣萬里

瞻戀蟻衷亦得稍慰矣抑臣更有請者臣受

恩深重未報涓埃每清夜自思汗淚俱下伏查西陲正

在用兵以臣駑鈍下質固不敢言可供驅策但臣

年齒正壯且比年以來曾在苗疆行走於鞍馬行

奏伍之間尚能努力倘蒙我

皇上鑒察垂詢令臣前赴西陲軍前酌委效用俾臣得
盡犬馬微勞尤出自
聖主矜全造就之賜也臣謹繕摺
奏請跪求
俞允曷勝激切統祈
皇上睿鑒謹

奏

所請俱可不必但盡職守何須思及於分外

雍正九年六月十五日貴州巡撫臣張廣泗謹
奏爲奏請

殊批諭旨

主

張廣泗

聖鑒事竊照自京發遣各處罪犯往往途間會集擾累
索詐一無顧忌於雍正六年內經河東督臣田文
鏡於解犯排黨等事叅奏犯人傳通索理等詐財
辱官一案請將嗣後犯人酌定名數分起解送每
五名作爲一起等因經部定議奉

旨通行欽遵在案所有黔省自雍正八年六月至今准
刑部陸續發遣安插之偷創人參罪犯計二十四
起共一百六十餘名其有發遣雲南安插經過黔
省遞解前進者亦屬相等緣以上人犯當日部中
雖係分起遣解但每遇一起內竟有二十餘名以

及十餘名不等者或每起內雖各祇數名而於分發兩三省之犯一日遣解如雲南貴州係屬一路仍致多犯同行又或幾起人犯兩三日內接連僉發而狡猾之徒明知伊同夥人犯後起卽來遂於途間藉故延待因之逐漸擁集至五六十名之多一齊解送在各犯雖不敢似傳通索理等恣橫不法之甚然人數旣衆每至一處需索酒食多討夫價擾累店民等項在所不免且犯人起解時例有鎖鑰填註解牌甚明乃中途竟行開放不無疎脫之慮臣用敢據實奏請

皇上俯賜敕諭部臣嗣後解犯務照定例名數分起僉
發倘犯人雖係分發各省而總經由一途者則應
酌量間日遣解免致擁集滋弊并通飭各省督撫
轉檄州縣地方悉遵部發火牌火票將犯人照起
解送前進務須鎖鑰如式不得私行開放及任聽
狡延會集擾累倘有故違經督撫查出卽行
題叅如此實力奉行庶解犯無滋擾疎脫之虞而地
方有司亦不敢膜置怠忽矣臣謹繕摺

奏陳伏祈

皇上睿鑒謹

奏

該部查議奏聞

雍正九年九月十五日貴州巡撫臣張廣泗謹

奏爲再抒下忱恭懇

聖鑒事竊臣前摺奏請

陛見并往赴西陲軍前效力未邀

俞允嗣值督臣鄂爾泰奉有

諭旨著令赴京

陛見現在署督臣高其倬尚未到任臣又不敢冒昧

題請趨覲

殊批諭旨

謹

張廣泗

天顏惟念臣謬叨

特擢重任更屢蒙

聖訓周詳臣獲以凜承竭蹶駑駘勉供職守其實未效

涓埃伏查黔省連年豐稔民情豫暢所有苗疆各

處業俱布置開通暨臣昨往察勘諸凡規模治理

雖驟難竝埒內地而亦均有可觀且署督臣高其

倬不日赴任過黔臣卽將黔屬邇年之吏治苗情

一切事務詳細備述以便面爲核商并俟督臣鄂

爾泰赴京抵黔之日臣亦將諸事與夫苗疆善後

要務請商酌示俾可就近督飭各該文武等措辦

以期妥帖不致稍有疎忽上厯

宸懷臣用敢再懇我

皇上俯賜准臣俟署督臣高其倬任事三兩月後諸務

就緒臣於明春二三月內赴京得以瞻謁

天顏恭聆

聖訓庶臣數年依戀蟻悃獲申萬一爲此繕摺

奏請伏祈

皇上睿鑒指示謹

奏

明知鄂爾泰進京陛見高其倬初往署事猝難就緒而

頻頻奏請來京實不解汝具何意見也觀汝諸凡奏對大不似從前矣莫移初志專務一誠字爲要將鄂爾泰之所指示時刻不可去懷勉力效法其居心行事方好

奏同日又

聖奏爲奏明事竊照黔省新闢古州等處苗疆安設鎮天營開通河道已經建造之城垣衙署營房等項并一切創設章程關係久遠不敢輕委他員稽查遽

皇上爲倚信是以臣於上年九月內具摺

奏請

聖鑒准臣親爲巡歷察勘奉有

訓旨臣卽欽遵致商督臣鄂爾泰去後接准覆稱事關
重大應往稽查其一切事宜須臣細加勘議備覆
以便核定會同各該處官商酌辦理
題等因茲臣已逐一查勘業將起程及旋署日期緣
由先後恭疏
題報在案臣於所到之處率同各該文武等逐加察
勘所有古州城垣礮臺建築已竣關箱街道布列
成行其衙署營房亦俱蓋造完好兼有都江河道
上至黔省都勻府屬下抵粵西柳州府屬古州重
鎮處在居中現在商賈舟楫往來停泊儼然一大

都會較之黔屬內地尤覺形勢有加至於清水江河道上自都勻府治下抵楚省紅江大河兩岸苗寨稠繁與鎮遠黃平施秉天柱等府州縣暨古州九股丹江各處新疆俱攙雜通聯形勢險要所設之清江協係在適中以資控馭應建城垣礮臺衙署營房皆已完整現在船隻客貨亦絡繹通行以及八寨丹江雞講等處之城垣礮臺衙署營房俱經建造外尚有各處應分汛塘之衙署營房等項臣已催令該管各員乘斯三冬農隙之時速行趕辦勿致遲延并清江河道內有灘石數處雖經修

鑿尚未妥順又都江河道有零碎灘石應行揀修
以及三難灘一段從前大石橫攔不通舟楫今雖
開鑿但未甚坦適暨各岸緯路未經修完開整之
處臣俱親歷指示各該員務於春水未發之前如
式修治完竣即可永垂利濟矣再查各處苗寨所
有礮位鳥鎗暨盛甲刀弩之類陸續查收以來已
共計三萬餘件而此外有可收者尚多臣亦諭著
該文武由近及遠一體查明收繳總之新疆治理
全在得人今文武各員係於通省遴選居官好者
始行

題請補授臣所到之處於文武各員考其辦事之得失就其才情之短長諄切勉誡其中實有勤勞應予獎拔或人地實不相宜難期勝任者臣旋署後業俱密開致商督臣以待核奪至目下苗情久經安靖各處額兵俱已到齊以情勢論所有貼防兵丁似可抽撤但於上年烏蒙之役將出師苗疆兵丁多已調回現在貼防古州清水江丹江者亦屬無幾臣已商之督提二臣酌量陸續抽撤毋庸急驟又都江除所駐黔兵外調來粵西之漢土兵丁四千餘名其土兵先經全撤所有貼防古州一帶

官兵臣亦致商督臣酌量分作三次抽撤仍留千
餘名暫資彈壓俟都江議設新兵募集到營之日
然後概行撤回實爲妥便所有都江九股因地廣
人繁酌議添設協營兵丁并新疆善後諸務臣俱
詳細備敘商候督臣覆核
題請外臣謹將察勘過苗疆情形事宜繕摺

奏明統祈

皇上睿鑒謹

奏

覽奏俱悉善後事宜最爲切要全在文武官弁撫馭得

硃批諭旨

老

張廣泗

法不可絲毫致涉欺凌必實心教養務令苗漢相安數年後方可言成效也目今鄂爾泰來京陛見或多留數時亦未可定百凡更當加詳加慎辦理勉之毋忽

奏雍正九年十二月初一日貴州巡撫臣張廣泗謹

奏爲奏請

聖鑒事雍正九年六月二十九日准督臣鄂爾泰咨爲

題明事內開本部院齎摺家人回滇欽奉

硃批諭旨張體義著與張鉞對調欽此欽遵除行廣西

按察使張體義遵照速赴貴州按察使新任其印

務飭委驛鹽道耿麟奇暫行署理并行貴州按察

使張鉞遵照俟張體義到黔交代清楚再赴廣西
按察使新任及行布政司知照外相應咨會查照
等因到臣欽遵在案嗣於十月二十六日新調按
察使張體義已到黔任調任按察使張鉞交代清
楚卽於十一月初十日自黔起程前赴粵任訖臣
伏查張鉞仕黔稍久熟悉風土情形現於刑名事
件頗能細心承理先在黎平知府任內曾隨臣前
進古州布置於苗疆情勢亦所諳曉今蒙

恩旨著調粵西雖張鉞在黔在粵報效相同惟是黔屬
之司道等官祇有貴東道方顯熟悉苗情係分駐

鎮遠府地方現在省會之司道各員只可循分辦理職守於苗疆事情皆未諳悉臣以庸拙之人遂不免有措畫不周之慮茲值督臣鄂爾泰進京

陛見過黔臣將此情由詳悉告知據督臣云張體義於具揭廣西撫臣金鉷等徇庇諱盜一案審屬全虛業經審明

題覆在案則是張體義倘蒙

聖恩尚留黔任臣當加意勉其恪慎供職如應處分離

任所遺員缺臣不揣冒昧仰懇

皇上可否賞將張鉞仍調貴州按察使庶駕輕就熟諸

事獲有成效臣併得資勛助之益皆出自
聖主格外之恩施也爲此謹

奏

已有旨矣

同日又

奏爲奏明事雍正九年四月二十九日接准戶部咨
爲遵

旨議奏事內開大學士公馬爾賽等奏稱雍正九年三
月二十六日欽遵

上諭議得技勇之士所以爲國家備干城之寄我

硃批諭旨

堯

張廣泗

皇上鄭重武備留意人才

特命直省督撫揀選送部以備訓練臣等就直省地方

風氣酌量技勇分別多寡以足二千名之數另單

恭呈

御覽伏候

欽定俟

命下之日臣等行令各該督撫遵奉揀選送部等因雍

正九年三月二十九日奉

旨依議欽此查奏單內開貴州七十名相應行文該撫
作速揀選送部等因到臣遵卽分檄各屬凜遵召

募暨屢次指催去後伏查黔省遐邊苗獠雜居漢民本少兼之風土薄弱其人材固不能似西北之雄偉且又習俗愚拙藝勇亦遠不及他省雖據各屬陸續送到者多人迨公同司道并在省文武諸員詳加考驗之下可以入選者無幾當又駁換另送再四挑選直至冬月方得揀足七十名臣等仰體

聖主愛養人才至意何敢稍有率忽但限於地方風氣謹就地取材或弓馬稍有可觀或於鎗刀技藝畧曉一二或漢仗膂力稍勝中人至於超羣出衆則

實鮮其人除行布政司動支公用銀兩給與路費
委員管送各壯丁於十一月二十九日自黔起程
進京赴部交收外合將挑選辦理與期限遲延緣
由臣謹據實繕摺

奏明伏祈
皇上睿鑒謹
奏
何地無材限於風土之論謬矣果加意搜羅不得其人
當據實奏明爲是豈可濫選湊數且又耽延時日直至
於今到京後候朕揀閱若遠遜於他省惟汝是問似此

預爲粉飾之詞遂能獲免於過耶

同日又

奏爲奏明事竊照黔省苗獠種類繁多習俗淳頑不一比年以來荷蒙我

皇上仁威遠播荒服傾心督臣鄂爾泰仰承

聖訓公忠籌畫整頓招徠胥歸寧謐所有烏蒙軍務早經告竣因尚留貼防官兵至本年六七月間亦陸續俱行撤回而古州苗疆事宜於本年八月內通盤勦撫事竣以及銅仁府之三不管生苗一案亦於本年八月內料理就緒訖以上各寨軍需用過

正項銀米暨公費賞需等項應分案確核備敘
題銷但款數紛繁尚需時日因係各案軍務俱已告
竣動用過錢糧公項攸關臣謹先將大概總數另
摺書奏因尚留胡刻官兵至本年六月間亦摺
聖奏明伏祈 聖鑒謹 奏

軍需糧餉自應具本題銷何必多此一番瀆奏

雍正十年三月二十三日貴州巡撫臣張廣泗謹
奏爲奏明事竊臣接准吏部咨爲欽奉

上諭事內開雍正九年十二月二十五日內閣奉
上諭貴州按察使員缺著貴東道方顯補授貴東道員
缺著南籠府知府黃世文補授南籠府員缺著雲南
武定府同知王元烈補授欽此爲此合咨前去欽遵
查照施行等因到臣隨經轉行欽遵知照外應聽
方顯卽來赴按察司新任緣新闢下游苗疆內之
九股一處寨分繁多苗情素悍又爲清水江丹江
適中扼要之區上年十月內經大學士總督臣鄂
爾泰於黔省苗疆事竣等事案內會疏

題請於九股適中之台拱地方添立一營設叅將一

選員兵丁一千名等因在案俟不日接有部覆卽應
前往安設不便遲延但一切布置全在得人必需
熟諳之員方可倚藉料理今新陞貴東道黃世文
才可辦事而於此地形勢並未閱歷是九股安營
一事仍得方顯同辦庶乎有益臣將此致商署督
府鑒查高其倬會奪去後茲准札覆與臣意見相同除
准咨面檄行方顯暫緩赴臬任俟九股安營之部覆
到日卽公同鎮道等帶領官兵前往先將設營駐
紮兵係爲地方保固防護之大義宣告明白并嚴禁
土舖騷擾使苗人俱曉然安堵迅將應立營基公同勘

定俾大概規模皆有條理然後將一切工程暨善後諸務詳細講求交與該鎮道率同各文武員弁逐爲措辦方顯卽回省到臬司任如此則方顯不過暫緩任事三兩月之期而新疆安營要舉可期完妥矣至於臬司印務臣已會商署督臣業委貴西道賈擴基暫行署理亦不致有貽誤爲此繕摺

奏明伏祈

皇上睿鑒謹

奏

方顯將設營駐兵諸務料理完畢然後再赴新任此議

是所奏知道了

奏前住安設不便遲延但一切事務全在得人必當

皇上觀鑒黜陟方可倚藉料理今新院與東道諸臣

奏即分兩事而於此地形勢並未聞詳是尤股安

西道賈繼基曹晉器聖衣不姪官韻猶為出辭

宗受矣至欽臬阮昭蘇即日會商署督引業委貴

繼曹繼升事三兩月之期而將顯安營要舉何

恐為計繼衣賜唱回省擬臬阮升收此限衣賜不

外請慈精昨請求交與慈繼並率同各文苑員并

宗幹大辦賦歎昔有斜野然斜排一時工詩聖善

硃批鞏建豐奏摺

皇上雍正五年十月十三日提督雲南等處學政右春

天恩坊右中允臣鞏建豐謹

奏爲恭謝云爾

天恩事雍正五年九月十九日據雲貴督臣鄂爾泰承

差自京齎捧到

皇上賜臣

欽定詩經二函臣方考試在外隨出郊跪迎至署恭設

香案望

闕叩頭謝

硃批諭旨

鞏建豐

恩祇受訖伏念臣才識凡陋視學滇南自考校士子以
來諄切提命多方振興正懷覆餗之憂叨蒙

聖恩之賜載歌天保仰祝升恒循諷皇華每懷諏度啓
皇上金函而盥誦敬什襲以珍藏惟有勉竭駑駘洗詞
章訓詁之陋習加意鼓勵成溫柔敦厚之淳風以
天恩仰報五正平此日黜雲貴晉王時爾泰承
洪恩於萬一云爾謹此具摺恭謝

天恩伏乞中允聖鑒謹

皇上睿鑒謹平十月十三日貴晉雲南華武學河本春

和奏肇豐奏辭

此應具題之事何得摺奏將迂腐二字須當洗淨袒護科目之惡習尤宜屏除無遺勉之慎之其餘無恥不端之行諒汝不爲朕亦有以相信也

雍正六年二月二十五日提督雲南等處學政翰

林院侍講臣鞏建豐謹

奏爲恭謝

天恩事竊臣前蒙

恩賜欽定詩經二函具摺

奏謝奉有

皇上硃批臣隨恭設香案望

硃批諭旨

鞏建豐

闕叩頭謝

恩詔伏惟臣奉到

賜書理應具本恭謝緣愚昧無知誤用摺奏乃蒙

皇上不加譴責指示詳明跪讀

諭旨感懼交集至於迂腐之習臣屢荷

聖訓痛自改責務期洗滌淨盡到滇以來遇有抗糧劣

行士子卽行黜革懲治不敢稍存袒護私心惟有

益自勉勵恪守廉隅盡心校閱使邊方士習克端

以廣

右文之化庶幾仰答

洪恩於萬一耳謹此具摺恭謝

天恩所有奉到

硃批原摺合併恭繳謹

奏

如果行能踐言可謂不辜朕之期望矣但習俗最易染
人被染既深不自覺知者多同道相濟四字誤盡人一
生名節品行不可不知若能遵朕訓誨心悅誠服一日
三省事事體察逐漸洗除舊污始可進言移風易俗也
莫作容易理會勉之

硃批石成峨奏摺

江西布政使臣石成峨謹

奏恭請

皇上萬安竊臣至愚極陋荷蒙我

皇上特恩以候補道員拔用江西布政使聞

命自天感激無地受事之日卽循例請撫臣代行

奏謝外臣到任以來夙夜兢惕念布政一官爲錢糧

總匯惟有裁酌陋規清查完欠庶可以正已率屬

仰副我

皇上愛養元元之盛心稍盡微臣職守於萬一查得江

皇土西布政衙門向有時節生辰署印規禮以及解庫
平頭每年約有四萬餘兩臣到任後將一切節規
盡行裁革止存平頭一項每收銀一萬兩有平頭
奏銀一百七十五兩每年約二萬三四千兩內除總
命自督養廉銀四千四百兩巡撫養廉銀八千八百兩
皇土尚餘一萬兩上下之數內又除心紅紙張墊補衙
皇土役工食約用一千餘兩延幕書算日食費用約用
奏一千五百餘兩衙門公事諸費及應捐俸辦理之
處約三千餘兩臣家口衆多日用薪水亦需四千

和此餘兩臣受

皇上格外鴻恩卽此平餘亦不應染指但臣再四酌度
若併此裁去不特臣一時難以支撐亦恐後來贍
養不給或致貪黷累民或反虧空庫項不得已留
此以爲養廉臣自問何人叨沐

異數至此惟有不貳不欺兢業供職倘日後稍有貽誤

辜負

主恩不特臣罪難追更恐天下臣民以爲誤用匪人上
累

聖明則臣之罪實爲天地所不容矣爲此據實陳

奏伏乞

硃批諭旨

二

石成峨

睿鑒謹言政衙門向有時節生辰署印規禮以及解庫
聖奏照例之罪實爲天賦祖不容突爲此懃實刺節規
據奏似此瑣屑零星朕何暇計及惟向爾等責成一是
字而已爾但勉力做一真實好官仰副朕望不在此分
晰奏聞以希見信也凡一切取與之間總期合宜得當
屬員不可偏徇民風毋使驕惰立心行政以不苛不濫
爲準的至於取所當取以備公用亦何不可之有惟當
相機度時而行不辱朕見用之顏面以勉圖上進慎勿
苟且小就中道而止勉之勉之懃以支懃亦恐爾來觀

皇上江西布政使臣石成峨謹懃榮計臣再四酒

奏恭請

皇上萬安臣於十月初六日祇領

硃批諭旨叩頭跪讀蒙

天語諄諄指示臣惶悚無地感激涕零伏念臣至微至

陋叨沐

異數不次擢用雖捐糜頂踵亦難報稱

高深於萬一今復荷

主恩如天

訓誨明切臣敢不遵

旨實心供職黽勉從事仰副

硃批諭旨

三

石成峨

聖懷爲此具摺叩謝專叩

天恩謹

奏

知道了聞爾自蒞任以來聲名頗好勉之勿懈

異嫌不

天

皇

奏

奏

奏

硃批劉廷琛奏摺

雍正元年六月二十九日廣西布政使臣劉廷琛

謹

奏爲據實奏明事竊臣世受

國恩復蒙

皇上特用跪請

聖訓時

天語諄諄破格賞賜竝

諭臣用摺子聞

命之下感懼交深臣於六月十七日到任視事敬將

硃批諭旨

劉廷琛

皇上面諭六條備悉口傳巡撫孔毓珣跪聆謝

恩訖臣又准護司梧州府知府張若需齎送

聖諭一道跪迎開讀隨具詳巡撫代題謝

恩在案臣本衙門錢糧交盤與各府州縣有無虧空重

耗等弊臣現在清查外伏查從前各屬解司錢糧

每一百兩加平銀八錢廣西地丁米折合解銀三

十萬四千二百兩零共計加平銀二千四百三十

三兩零再各屬節禮九府及六十三州縣約計每

節共得銀一千三百餘兩以上二項臣遵奉

聖訓一槩革除再桂平梧州四府橋稅幫費布政司每

類此等事天下督撫藩臬莫望朕代定規則任憑爾等
季約得銀八百餘兩向爲日用之需此項臣亦不
做去只要還朕是好二字一切皆可若無此二字還朕
敢自便理合
縱爾講得天花亂墜亦不能動朕分毫也但當勉力做
奏明伏乞
好官謹之慎之
天恩可否賞給臣養廉請

旨定奪目今廣西雨水調勻地方寧靜早禾俱已收穫
米價每石六七錢不等較之去年更好嗣後遇有
緊要事件自當據實摺奏若瑣屑小事不敢屢瀆
天聽爲此具摺謹

奏

凡百處不可越分毋因巡撫係漢人遂失兩司之體而

主張分外之事朕如有所聞必加以僭妄處分也若無
緊要應奏之事摺亦不必頻上特諭

雍正二年四月二十八日廣西布政使臣劉廷琛

奏爲遵

旨恭繳奏摺事竊臣於雍正元年六月內到任後隨將

天恩臣衙門大概事宜具摺奏

聞奉有

硃批訓旨臣跪讀之下細繹凜遵一年以來敬奉案前

時刻觸目警心伏查粵西錢糧雖少各州縣每有

那新掩舊之弊臣細心訪察一由劣衿土棍每年輪充冬頭里長包攬錢糧希圖侵蝕任意抗延州縣顧惜顏面不除錮習今蒙

特頒

上諭百姓完納錢糧當令糧民戶戶到官不許里長甲頭巧立名色生監除去儒戶宦戶名目抗頑者卽行治罪如此則錢糧頭緒畢清而包攬之人立除矣一由廣西皆無本鹽商悉係地方官代拆代銷每每以錢糧爲鹽本年復一年牽混不清今督臣孔毓珣深知其事前經奏請借帑官辦通融銷售

裕課便民奉

旨允行在案如此一二年後積引銷完各歸各款州縣

無那移之弊矣再查廣西倉穀原額常平捐穀二

項共有一百六十二萬八千七百餘石爲數甚多

何能顆粒實貯府廳州縣內有十分之二三存價

生備者欣逢

皇上洪福齊天元年豐登大有督臣嚴行遍飭諄切告

誡臣又委員各處坐催去歲三冬月處處盡力彌

補俱各造報全完臣查別府所屬內實無不足之

數惟桂林一府所屬還有三四處未曾清楚督臣

現在又委三道親身盤驗虛實斷不容隱匿至議
行社倉之法春借秋還以權子母督臣前已詳悉
奏明臣轉飭各州縣實力奉行務求合乎人情宜
乎土俗毋得有累百姓致失

皇上愛養元元至意目下廣西春麥收成甚好雨水調
暢米價平賤地方安靜臣愚昧無知所司錢糧倉
穀諸事自當盡心料理以副厥職如有屬在總督
提督應行應奏者臣斷不敢越分干與爲此繕摺
具奏并繳前摺伏乞

睿鑒謹

硃批諭旨

四

劉廷琛

奏

知道子觀爾此任雖屬平平無奇亦無蕩檢踰閑之處
照此謹飭做去亦可但爾前於按察司任內有一事
殊屬不妥慎毋執迷隱飾過而不改是爲過矣有過能
改反成懿行將爾已往之事偶爾錄示不過令爾知慙
耳目之不爽也至意目下廣西春麥刈刈甚致雨水晴

皇上平土谷世爵育累百故姪央臣嚴行通飭諄切告

奏聞弘轉諭各陝隴實氏奉旨錄求合平是入骨宜

待城食之哉春當冰燬以懾于母督臣前日籍悉

既齊又委三散縣良鑑錫忠實圖不容翊罔至端

硃批赫勝額奏摺

雍正五年十月十七日貴州按察使臣赫勝額謹

奏爲遵

旨事雍正五年八月初五日臣恭請

聖訓奉

上諭貴州巡撫何世基前任臬司富貴居官如何之處
爾隨路訪察一到任卽具摺奏聞欽此臣一路訪察
撫臣何世基爲人老實辦事盡心陞任按察司臣
富貴辦事平常除伊等居官實在如何之處容臣
再細訪察一有確據卽行具

硃批諭旨

赫勝額

奏外今將詎路上所訪緣由先行奏

聞謹當貴職事平常創設等語官實亦賦何之數容
奏無引同世基爲人未實職事盡心到到對察同
凡百處惟以務實爲要至於言人之短長評吏之優劣
尤須秉公據實若少涉誣捏隱飾則代人受過矣切記
勿忘

雍正五年十二月初一日署理貴州布政使印務

按察使臣赫勝額謹

奏爲恭請

聖訓事竊臣至微至陋荷蒙

皇上洪恩不次擢用于飛映端而大異粹
特授貴州按察使到任以來敬遵

聖訓一切命盜案件務盡愚誠辦理不敢稍有錯謬今

蒙

殊恩又日又

命署理貴州布政使印務臣感激微忱已籲署撫臣祖

秉圭代

題并通省錢糧現在逐細清查俟查明另摺奏

聞外伏思布政司承宣

皇上政教統轄一省錢糧職任綦重臣才識短淺誠恐

皇王辦理未週必奉發覺雖升其重臣下猶欲其矯慰
聖主訓旨教導方有遵守爲此繕摺恭請

聖訓謹啟省發覺與升發縣查外查閱民辭奏

奏乘主升

但專務實行毋徒尚虛言此外別無訓諭勉之勉之

教恩同日又

奏爲敬陳管見仰祈

睿鑒事竊臣至微至賤幸蒙補授聖不煩餘育齡今

教育疊荷

隆恩雖質本庸陋毫無知識而犬馬報

主之忱實深五內不揣愚昧謬抒管見敬爲我
皇上陳之

一城垣之設原以守土衛民最爲重大黔省苗夷
雜處更關緊要臣赴任時經過各府州縣有無城
者有有城而傾頽者除現在奉文查估俟查估明
確詳報督撫具

題外查黔省錢糧無多兵餉尚係各省協濟若議修
建城垣庫項不足支用竊思治國安民首在懲貪
臣見大小臣工內廉介者固多而貪婪者亦復不
少不肖之員剝削民膏少者積百成千多者盈千

累萬及至發覺不過其中一二雖按照律例治罪
追贓猶得享用餘資若不嚴加懲處無以儆戒將
來請嗣後將此等貪贓官吏發至黔省著令修建
各府州縣城垣及填築改站道路橋梁俟其家產
盡絕後再將修過城垣用過銀數逐細奏

聞請

旨發落庶貪風可以永息而黔省城垣道路皆得修築
修築城垣等事應與鄂爾泰商酌何必奏朕
堅固矣

一黔省離京路遠凡選補各官每因盤纏缺少借
貸艱難一時不能起身以致赴任稽遲故在省官

員常有經年署事者未免兼顧爲難伏思黔屬臣
工俱荷

皇上隆恩賞給養廉臣請嗣後選補黔省之員如有盤
纏無措不能起身者許其具呈戶部持憑照驗借
領庫銀卽行赴任道府借二百兩同知通判知州
知縣借一百兩佐雜等官借三十兩借後戶部將
借過數目行文該撫俟其到任後半年內令布政
司將本官養廉銀扣除全完於每年起解水碓時
彙搭解部還項則選補各官皆得速赴新任而在
此事朕亦曾念及殊不可行省各官亦得專心辦理本任之事矣

一苗性兇悍動輒刦殺燒擄地方官差人追捕則
潛入山箐非技勇超羣者不敢深入查各州縣之
捕快俱係召募鄉民雖年力强壯實不如兵丁之
技藝嫻熟臣聞各營官弁跟隨伴當皆係兵丁是
無技之鄉民委以緝捕重任以有用之兵丁反居
閒散之地請稍爲變通以此項兵丁撥給州縣頂
充捕快將州縣捕快撥給各營爲跟隨伴當則擒
拏兇賊自然易獲而捕快入營隨操亦可以成强
兵矣

此議更屬不可

一緬掠販賣最爲黔省之患前經撫臣黃國材督

臣高其倬先後具
題定例不爲不嚴而販賣之事不能盡絕者緣細販
與興販皆藉窩隱之人爲之販賣實與開窩子無
異若無此輩窩隱自無販賣之事定例止將伊等
割斷脚筋且割筋又多弊竇是以無所畏忌販賣
如故請嗣後窩隱販賣之人照開窩子光棍例將
爲首之人擬斬立決護送牽合及用銀興販之人
俱照爲從例發往寧古塔等處給披甲人等爲奴
官員兵役拏獲窩隱之人照拏獲強盜窩主例分
別議敘給賞則緝拏必力兇徒知所畏懼興販之

此條

亦當言之鄂爾泰詳細斟酌

事可以永絕矣以上四條臣灼知其弊冒昧妄陳
伏祈

聖鑒施行謹

奏

諒督臣鄂爾泰自然次第料理所奏知道了

雍正五年十二月十五日署理貴州布政使印務

按察使臣赫勝額謹

奏爲請

旨事竊查雲貴開墾事例部議令官生等交銀布政司
出給實收一案臣署任後正行嚴禁包攬需索并

飭貴陽等府招民開墾卽據生員朱曙等陸續具
呈捐監前來臣隨卽查例照數彈收正在貯庫間
據該生等稟稱從前事例俱有平頭及部費紙筆
飯食等項今旣無平頭所有紙筆飯食等項使費
情願每畝加銀六分交收等語伏查從前事例原
有使費等項今旣據伊等踴躍急公情願每畝加
銀六分相應如其所請一併彈收貯庫除稟明督
臣鄂爾泰署撫臣祖秉圭外此項銀兩應請量給
院司書役人等二三分爲紙筆飯食之費餘盡入
公以資開墾統於墾荒案內與正項銀兩一併造

冊奏銷臣未敢擅便伏乞內與五更題兩本并發

皇上批示遵行謹奏

聖奏聖體爾泰署撫臣賑濟主位也既題兩熟請量餘

此非汝當專主亦非汝能料理之事但一一稟明該督

聽其指示而行方是或將鄂爾泰如何料理之處事後

隨便奏聞則可似此越分請旨大不是矣戒之慎之將

此諭錄與鄂爾泰看令其知之

奏謝著主等稟爾泰前事因具官平煎又陪費縣筆

旨事呈附溫前來聖體爾泰查核照據戰外五五報報聞

曾貴則等報報另開墾墾耕主員未報報報報具

硃批廖坤奏摺

雍正七年十二月二十四日湖廣襄陽府同知臣

廖坤謹

奏爲遵

旨密奏事竊臣恭覲

天顏蒙

皇上垂念臣祖廖有功殉難微哀

特加異數疊沐

高厚隆恩亙古未有臣中懷感激時存敬凜不敢少隣

懈忽上負

既能具此一奏諒汝非負恩者矣
聖恩下忝臣祖臣於本年九月二十八日恭請

聖訓伏被

溫綸垂誨准臣摺奏臣自出都以來卽沿途查訪於十
一月內到浙所有見聞擬合分條密

奏

一聞知江南有周崑來者善能演用長鎗遊歷各
省行蹤詭異更聞有張雲如以相面坐功邪術符
法煽惑人心及臣到浙時已經督臣李衛訪拏更
有素能行功鍊力之甘鳳池誘擒到署現在一同
皆朕所悉知之事此奏可嘉之至
飭審又聞江蘇按察使馬世烜之子曾拜張雲如

爲師內有一程姓鹽商與各處匪類往來屢經浙
督李衛差拏各犯而馬世烜竟爲庇護支吾抗犯
不發此更爲負
聖恩之甚

一聞得盤查江南松江府原任杭嘉湖道王溯維
徵比舊欠不待百姓自完惟恃苛求酷責民多怨
聲前蒙

皇上聖明敕下緩徵百姓歡呼咸頌

聖德時有本地百姓稱爲王溯維挂斗誌感王溯維信
爲實然出堂懸斗則斗上所書乃係

相之蕃會經奏聞於朕
上諭能無愧乎六字當有提督栢之蕃勸散

一聞得江南浙江兩省今歲武科鄉試弓馬技勇
較之從前倍多精好但江南較射竟至黑夜又值
天雨弓箭盡濕以致狠好技藝之人多有不得合
式者至浙江武闈雖實心考較拔取而定數之外
江浙人士武非所長料亦無甚可惜之才
好字號尚多是以江浙兩省武科俱有遺才之論

聖恩
一浙江杭州府屬之錢塘縣知縣李惺任性偏執
似此行爲乖縱何能逃李衛之察訪
無論事之大小多用夾訊人皆怨尤

一臣到浙之日正值徵漕之候督臣李衛委令糧
道朱倫瀚親往有漕各州縣水次查察因今歲年

穀豐登百姓踴躍輸將較之往年收兌早竣但朱
所奏可嘉朱倫瀚原係中平才具
倫瀚諸事稍覺退縮不能勇往向前臣不敢爲之
欺隱

以上數條皆臣親見親聞不揣冒昧據實陳

奏伏乞

睿鑒謹

奏

覽

雍正八年三月初四日湖廣襄陽府同知臣廖坤

謹

奏爲恭繳

硃批原摺事本年二月十一日臣家人回蒙
皇上天恩賜臣摺匣四箇臣恭設香案望

闕叩謝敬啓摺匣跪讀

宸批深荷

皇恩浩蕩

天語溫和不特臣舉家感激涕零卽臣祖在九泉亦必

銜

聖德於無窮矣今臣竊有請者臣胞兄廖傑原任四川
朕不知廖傑乃汝胞兄此奏嘉是覽之但汝兄負職被
重慶府同知雍正五年引

叅不但忠亦屬不孝汝當深以爲戒候降諭免其賠

見蒙金命部引見面審才具可否棄瑕錄用竝詢明前案有

聖明垂念忠節後嗣

無冤抑處自另有旨

恩恤有加後因佛喜委解贓金一案臣兄愚昧未將添

平餘金分晰詳明竟自添兌以致革職繫獄去秋

審擬賠金問徒已經結案今雖監禁刑部若限內

賠完猶望邀

恩豁免何敢爲之陳請但臣祖廖有功殉難之日家產

盡爲耿逆抄焚至今房屋地畝俱無臣胞兄應賠

金子四十五兩萬難完繳故冒死瀆陳情愿將臣

每年俸銀在本省司庫扣繳代爲完納并念臣兄

但恐下愚不移耳若國家恩施所及即能感發人之天
良則愚不肖者悉可變為賢智朝廷用人非難事矣孰
皇上天恩或發往邊疆效力臣兄心非木石誓當致身
知竟大不然遠者且置姑就汝所知者而論如年羹堯
馬世圻等輩受恩可謂不輕豈伊等心皆木石耶人心
難測只可試看豈得以常情而槩論之
聖訓蒙

皇上面諭外省或有好人或有好官素所深信者著臣
具摺以功名身家保之臣蒙

皇上如此深恩安敢不細加體察冒昧妄保以負

廣採博訪之至意今有浙江紹興府蕭山縣監生候選
既據汝保薦張維唐侯調來引見汝少未更事萬不可
縣丞張維唐居家孝友謹慎誠實事機明白年力

如此深信人人心難定今日如此明日如彼隨時變遷
壯強此臣實可保之以功名身家者也儻蒙
非同器具已成不可改易者不逆詐亦當不逆不詐若
恩准伏乞
皇上敕令浙江督臣李衛再加體訪詳為看驗如果堪
節為最難明達是理者甚少日前向汝未曾論及嗣後
保薦即著李衛給咨赴部引
遇便再當訓示但批諭未若面訓為詳切遲一二年或
見試以職事必能實心辦理臣不自揣冒瀆
有另用汝處於引見時方可備悉示汝也況汝此任之
奏請伏乞
下屬不過一二微員縱令識見稍短亦無甚大礙
睿鑒臣更有見聞擬合分條密
奏

一聞有叅革河工通判張鵬飛潛住蘇州來往江
浙地方肆行招搖專打聽各衙門事件捏造流言

此奏可嘉之至伊兄在日劣蹟為朕所聞曾經懲處今
恐嚇以為訛詐張本更聞得歷來河工弊竇皆其
伊仍不遷改尤屬可惡已另旨察究矣
素悉優為若究伊從前各項冒銷根底必能和盤
托出將來河帑亦可無欺隱之虞矣

一聞浙江提督萬際瑞作事乖張不知大體帶有
據李衛亦會奏過但萬際瑞前任粵提被朕責其罷軟
犯罪部辦朱姓徐姓在幕用事惟言是聽諸事苛
悠忽此任或有為之亦未可知朕經屢次訓諭又命
求以致營伍盡出怨言有李宮保臨兩浙商安民
李衛轉飭矣試看何如再定原係庸平材質朕亦因念
樂萬提督鎮四明鬼哭神號之對粘貼教場臣雖
伊祖而推恩擢用似此寧非具木石之心者乎
與之同鄉亦何敢為之欺隱

一聞得江南匪棍張雲如并程姓鹽商一案有揚
州張三回子及楊姓兵丁在內提拏到杭之日張

此案已明業據承審部臣備悉題奏矣如范時繹者心
果木石三回子身邊帶有人參棗包夾棍藥脾蛇膽山羊
血攪和今覽汝此奏則萬際瑞范時繹二人非木石
居心而何大臣尚如此況汝兄與張維唐乎於人切勿
過爲篤信誌之
臣不敢壅於上

聞此俱臣所親聞謹繕密摺陳

奏伏乞

睿鑒謹

奏

嘉悅覽焉密之密之

奏
恐嚇以為訛詐張本更閱得歷來河工總督皆其

奏

托出將來河帑亦可無取隱之虞矣

奏

浙江提督萬際瑞作事乖張不知大體常有

奏

部辦米姓徐姓在幕用事惟言是聽諸事

間

其因限縣聞蠶繅密器刺弊官保臨南浙商安民

奏

不煩整飭土明鬼哭神號之對枯貼致場

奏

云景王南督到京報驛堂官黃四限林事關重案

奏

血對味入參膏等妙妙承審訊飄姓出脂其由來

果

木三回千良蠶帶育人參棗日夾卦蔭岷二入非水

批

案已四業報承審情引謝悉照奏矣收京批批批

